

JON

Jiysis Minim Tep Jon Tikak

Minim Nind Niņey

Baybol buk day Jon tikak ak, Jiysis mey Minim Maņgiy Won permindep ak biyimb ay ap namb chin biy mindiy, yerer gindand amiy kumiy tikjak Nop ker amnak minim ak, aņgrep gen nup gosimb niņey, kuyip dek perper mindeyaņ aņgiy tikak (2:31).

Minim Ar Keykey Mindip Rek:

Minim Maņgiy Won permindep minim ar ak mindip, chapta 1:1-18.

Jon bi niņg piknemb ak sek, Jiysis binuk nind dak gok sek minim ak mindip, chapta 1:19-51.

Jiysis woņg kiņiņ gi gak minim ak mindip, chapta 2:1-12:50.

Jiysis nin nuk ak maņ gakniņ, Jerusalem sek yep maņ kun okok sek aņgņirangek minim ak mindip, chapta 13:1-19:42.

Jiysis kumiy tikjakek, miseņ niņyak minim ak mindip, chapta 20:1-31.

Miņmon Galiyliy miseņ gek niņyak minim ak mindip, chapta 21:1-25.

Krays Mankumb Biy Wak

1 ¹ Miņmon ma alwol gayak nin ak, Minim Maņgiy Won aņgniņ gispiyn ak mindek. Minim Maņgiy Won kun ak, nuk kunep Gor ak mey, Gor yip mindek. ² Miņmon kindik alwol gayak; nind yimb yimb nuk Gor yip mindiyņip. ³ Nuk nep, tap okok maņgiysek gayak. Tap bap key ma ayak; nuk gayak gok nep mindip. ⁴ Nuk kim mindep junj ak mey, kim mindep melik nuk ak, biynimb gok kuyip niņimb. ⁵ Melik nuk kun ak, kisyim wiņ namb okok apek, tuņsuņg mer niņiy kirpay.

⁶⁻⁷ Gor pen biynimb gok maņgiysek Minim Maņgiy Won kun anup gosimb niņniņgiy aņgiy, Jon bi niņg piknemb anup aņgek, melik minim ak aņgņiyiņip. ⁸ Jon nuk melik kun ak mer; nuk yikop biynimb gok kuyip minim kun ak aņgņiyiņip. ⁹ Melik yimb ak mey, Minim Maņgiy Won kun ak. Nuk man ar biy apek melik nuk ak, biynimb okok kuyip maņgiysek amnak.

¹⁰Nuk nep miñmon alwol gay, biynimb gok gay gak ak pen; ap mindek nup ma niñyak. ¹¹Miñmon yand key ak amniyn angyi, awak ak pen; nup ma diyak. ¹²Biynimb Biyomb chin angyi diyak gok nep kuyip gek, Gor ñapan nuk mindpay. ¹³Napan nuk mindpay kun ak, bi beryonjon gok di giy, ñapan tikey mindpay rek ma mindpay. Pen biynimb gunap mumbwak tikjakek, di giy ñapan tikey mindpay rek mer; Gor nuk key gek ñapan nuk mindpay.

¹⁴Pen Minim Manjiy Won kun ak, biyimb ay apiy, chin yip kin mindyngip. Kun ak nup niñbun: nuk bi simb niñep tep yimb kun ak key. Nuk Gor Ninuk nokom yimb ak mey; Gor nuk key Biyomb teprep yimb mindip rek ak mindip.

¹⁵Pen Bi kun ak apek niñiy, Jon biynimb gok kuyip angak, “Bi wip biy nep mey, nimbip nind angnik, ‘Bi kisen winingamb ak, nind yimb yimb mindyngip ak mey, yand rek mer; nuk Biyomb yimb mindip angnik’ angak.”

¹⁶Bi kun ak, chinup manjiysek simb niñiy kumiy tikjakak rek, biynimb gok kuyip bilesiyñ keykey ñimb. ¹⁷Low minim ar ak, Gor Mosis nup ñek chinup angnak ak pen, Gor biynimb simb niñiy dip minim yipul yimb ak, Jiysis Krays owak rek misen niñbun. ¹⁸Biynimb bap Gor nup ma niñyak. Ñi tep nuk ak nep, nuk yip mindiy misen apek niñiy mey; Nop bi yerip rek mindip ak niñbun.

Jon Bi Niñg Pikñemb Ak, Yand Bi Kiyñ Yomb Key Yimb Ak Mer Angak
(*Mat 3:1-12; Mak 1:7-8; Luk 3:15-17*)

¹⁹Biyomb Jerusalem kond mindyngipay gok, bi Gor nup simbonjep gunap, bi Gor angnijep korip kond mindyngipay gunap angyokiy angyak, “Nimb Jon mindip amiy, nand bi an angyi angninimimb angyak.”

²⁰Kun giy angyokey, Jon mindek ak amjakiy, nup angnijiy angyak, “Nand bi an?”

Angeyak, angy wegyi mer; kuyip misen angyi angak, “Yand Kiyñ yomb key yimb ak mer angak.”

²¹Kun angek angyak, “Kun apan ak, nand an? Nand Yilayja akan?”

Angey angak, “Yand Yilayja mer angak.”

Kun angek angyak, “Nand bi Gor minim anjep per kond mindpun ak akan?”

Angey, “Mer” angak.

²²Kun angek, bi kun gok nup angyak, “Kun ak nand an? Pen yand bi yerip angyi angenimin; chin am biyomb chinup angyokpay gok kuyip angninjun angyak.”

²³Angey, Jon kuyip angak, “Bi Gor minim anjep Asaya kisen giningamb angak rek nep gispiyn. Nuk angak:

“Bi bap biynimb kuṅay ma mindpay namb okok mindiy, meṅg miṅgan dand araniy aṅgningamb: Per biyomb asaw aṅgiy, kinjeṅ pindrep giy kond mindpay rek ak ginimimb aṅgningamb aṅgak.”

²⁴Pen bi Jon nup aṅgningiṅ wiyak kun gok, bi Peresiṅ gunap sek, aṅgyokey wiyak ak mey, ²⁵kiyṅ Jon nup aṅgyak, “Nand apan: yand Kiyṅ yomb key yimb ak mer, Yilayja mer, bi Gor minim aṅgep kond mindpun ak mer apan ak; yenen pen biynimb gok kuyip ṅiṅ pikṅiṅspan aṅgyak.”

²⁶Aṅgeyak aṅgak, “Yand kuyip yikop ṅiṅ pikṅiṅbiyṅ. Pen bi bap namb nimbip biy mindip. Nup bi yerip rek aṅgiy ma niṅbim ak pen, ²⁷nuk yand rek mer; nuk Biyomb yimb. Nup niṅen yip nambiṅ giṅ. Tomb tirup nup ak tungasikyṅ, tap nup gok marik ginim rek ma ayip aṅgak.”

²⁸Gak kun ak, Jon biynimb gok kuyip ṅiṅ pikṅiṅyṅgiṅ miṅmon Beteniṅ, Joden ṅiṅ gol pis tawakdoṅ ken.

Siypsiṅ ṅiluk Gor Chinup Yokak Mey, Jiṅsis Nep

²⁹Minek Jiṅsis Jon ker apek, nup ṅiṅ pikṅiṅ, biynimb gok kuyip aṅgak, “Niṅim! Bi biy mey Gor Siypsiṅ ṅiluk nuk chinup aṅgiṅ ak. Nuk mey, Gor nup simbongiy, biynimb mankumb biy kuyip gach ak wiykyokniṅgamb. ³⁰Bi kun biy mey nind aṅgnik, ‘Nuk Biyomb yimb, yand bi sikoy, nuk nind yimb yimb mindek, yip kisen tikpay aṅgnik.’

³¹Nuk mindip aṅgiṅ per niṅyṅgiṅpiṅ ak pen, an rek mindip aṅgiṅ ma niṅnik; miṅiy mey niṅrep giṅpiṅ. Nuk Kiyṅ yomb key yimb kond mindpun anep mindip ak; niṅiy dim aṅgiṅ, nimbip Yiṅrel biynimb ṅiṅ pikṅiṅbiyṅ aṅgak.”

³²⁻³³Pen Jon Jiṅsis nup minim ar ak aṅgiṅ aṅgak, “Bi kun biy an aṅgiṅ ma niṅbinip; Bi yip aṅgek biynimb ṅiṅ pikṅiṅbiyṅ ak aṅgak, ‘Nand niṅniṅgamban; Kawnan yand ak bi bap ker apiṅ, yip mindeniṅgamb. Bi kun ak, biynimb gok kuyip ṅiṅ ma pikṅiṅniṅgamb; nuk gek Kawnan yip ak diniṅgambay aṅgak.’ Aṅgak kun ak mey, miṅiy Gor Kawnan ak, yakir kochir rek nup ker apamb, ³⁴niṅrep giṅ apiṅ: ‘Bi biy Gor ṅinuk ak nep apiṅ aṅgak.’”

Jiṅsis Binuk Omiṅal Nind Dak

³⁵Minek pen, Jon binuk omiṅal ak yip, tip ak ap ṅiṅ pikṅiṅyṅgiṅ siṅak mindyakniṅ, ³⁶Jiṅsis apiṅ pandikek, Jon niṅiy aṅgak, “Bi biy, Gor Siypsiṅ ṅiluk nuk chinup yokek owak anep aṅgak.” ³⁷Kun aṅgek, Jon binuk omiṅal ak, minim kun ak niṅiy, Jon nup kirgiṅ, Jiṅsis amek miṅgan ak kisen amnirik. ³⁸Pen Jiṅsis andikiṅ kuyipmiṅay niṅiy aṅgak, “Yenen aswiṅr?” Aṅgek aṅgrik, “Rabay! Nand kinban akay?” ³⁹Pen kun giṅ aṅgnieṅ, Jiṅsis aṅgak, “Kun ak yand yip amiṅ niṅniṅgayr aṅgak.” Aṅgek, ṅin kun ak duṅgep won ak amiṅ, nuk yip mindeyak.

⁴⁰Jon binuk omiŋal kun ak, bi bap yimb nuk Enjriw. Enjriw numam nuk mey, Saymon Piyta. ⁴¹Enjriw won kun anep, am numam Saymon nup piyow niŋiy angak, “Bi Kiyŋ winiŋgamb angiy per kond mindpun ak, miŋiy niŋbun angak.”

⁴²Enjriw kun angiy, numam Saymon nup poŋind Jiysis mindek ak amek, Jiysis Saymon nup niŋiy angak, “Jon ŋinuk Saymon. Nip Siypas aŋgniŋgambun angak.” Yimb Siypas angak kun ak, Griyk minim angiy mey, Piyta apay.

Jiysis Piyliyp Yip Nataniyel Yip Kuyip Dak

⁴³Minek Jiysis Galiyliy propens amning, am Piyliyp nup niŋiy angak, “Yand yip amnur angak.” ⁴⁴Piyliyp, Enjriw, Piyta miŋmon kiykyakam mey Betsayda nep. ⁴⁵Pen Piyliyp am Nataniyel nup niŋiy angak, “Chin bi siŋok, Mosis sek, bi Gor minim aŋgep gunap sek Baybol buk tikiy aŋgyak anup, miŋiy niŋbun. Nuk mey Josep ŋinuk; miŋmon Nasaret nimb angak.”

⁴⁶Piyliyp kun aŋgek, Nataniyel angak, “Bi tep bap miŋmon timey kun ak nimb winiŋgamb?”

Aŋgek, Piyliyp angak, “Kun apan ak, apay am niŋur angak.”

⁴⁷Kun angiy, maŋmaŋ girikniŋ, Jiysis Nataniyel nup niŋiy angak, “Bi kun ak, bi Yisrel yipund giy ak mey, nuk yesek ar ak ma aŋgniŋgamb; yipund giniŋgamb ar ak nep aŋgniŋgamb angak.”

⁴⁸Kun aŋgek, Nataniyel angak, “Yip yergiy niŋban?”

Aŋgek, Jiysis angak, “Enjriw nip kisen poŋdiniŋ nimb; nip niŋbiyn bisiniŋ mindamban kiyaw kiŋiŋ siŋak angak.”

⁴⁹Kun aŋgek, Nataniyel angak, “Tiysa. Nip niŋbiyn! Nand Gor ŋinuk. Yisrel biynimb Kiyŋ yomb chin angak.”

⁵⁰Kun aŋgek, Jiysis angak, “Nip yikop kiyaw kiŋiŋ siŋak niŋbiyn aŋgen, yip Gor ŋinuk yimb angiy niŋban? Kisen tap key yimb gunap gen niŋniŋgamban. ⁵¹Nimbip maŋgiysek niŋind aspiyn: enjol gok bi bap ŋinuk nup, niŋniŋ amiy apiy geniŋgambay niŋniŋgambim angak.”

Biber Bap Diniŋ Ger, Tap Yomb ŋinyak

2 ¹⁻²ŋin omiŋal mindiy, biber bap diniŋ ger, biynimb suk aŋgey amiy, tap ŋinyak miŋmon Keyna-Galiyliy propens namb okok. ŋin kun ak, Jiysis sek, binuk gok sek kuyip kunep suk aŋgeyak amniyak. Pen Jiysis nonim am korip kun ak nind mindek ak mey, ³niŋ wayn ak ŋimbdeyak, nuk apiy Jiysis nup angak, “Wayn ak ŋimb dipay angak.”

⁴Kun aŋgek angak, “Yip kun gan kun gan ma aŋgnimin. ŋin yand ak ma wip angak.”

⁵Aŋgek, nonim am bi woŋ giŋemb gok kuyip angak, “Jiysis minim bap aŋgonimuŋ; aŋgnimuŋ rek nep ginimimb angak.”

⁶Pen Jiwda biynimb kamb diy giyingipay tiyn yomb yimb onep kanjol ak dayey mindek. Tiyn kun gok, miñ ar kiyk ak giyingipay rek, suñ-tep mindon angyi, ñiñg mal dap songiy, ñin tomb ñiñg ay gilunḡ yokyingipay. ⁷Jiysis pen, bi woḡg giñemb gok kuyip anḡak, “Kamb tiyn guniy ñiñg mal dand apiy, songem arachaknimuñ anḡak.” Anḡek, anḡak rek geyak anḡak, ⁸“Miñiy ñiñg mal dap aypim ak gunap paḡg dand amiy, bi tap ñimbsipun biy kond mindip anup ñinimimb anḡak.”

⁹Anḡek, ñiñg yimb kun ak paḡg dam biyomb anup ñeyak, nuk ñimbiy niñak; ñiñg wayn tep ak mindek. Pen nuk ñiñg wayn kun ak akay nimb angyi ma niñak; bi woḡg giñemb gok kiyk nep niñyak. Pen nuk ma niñak rek mey, bi biyn dinging gek kun anup suk anḡek apek anḡak, ¹⁰“Pernep, ñiñg wayn tep ak dap ñey ñimbdey mey, ñiñg wayn timey ak kisen ñey ñimbay. Pen nand ñiñg wayn tep ak day mindiy, miñiy nep dap ñispan anḡak.”

¹¹Pen Jiysis ñin kun ak miñmon Keyna mindiy, tap mageprek ak kiñiñ giy gek, nuk bi key yimb mindek ak misenḡ niñep rek ayek, binuk gok nup gosimb niñyak. ¹²Pen tap ñimbdiy, Jiysis nuk; nonim, numam, binuk gok kuyip poñind miñmon Kapaniyam amiy, yep ñin kaw bap kun ak mindeyak.

Gor Anḡniñep Korip Ak Maker Geyak
(*Mat 21:12-13; Mak 11:15-17; Luk 19:45-46*)

¹³Jiwda ñin yomb kiyk Pasopa apay ak mañ gakniñ, Jiysis Jerusalem amiy niñak; ¹⁴biynimb gok, Gor anḡniñep korip miñgan ak; kaw, siypsiyp, yakir tap gok dap maker ayiñg, maniy seniys giyiñg geyak. ¹⁵Niñiy miñ bap diy, kaw, siypsiyp gok yuk mis yokiy, maniy dap penpen seniys geyak boḡg band gok maniy sek tuḡgandikiy, ¹⁶biynimb yakir dap maker geyak gok kuyip anḡak, “Tap kun gok dand amnimimb. Bapiy korip nup ak gem maker korip rek ma aynimuñ anḡak.”

¹⁷Nuk kun gek, binuk gok gos kiyk amnak; Baybol buk minim tikiyak ar ak. Minim kun ak tikiy anḡyak, “Anḡniñep korip nand ak gos nokom niñbiyn rek, yip timey giniñgiy rek ayip anḡyak.”

¹⁸Pen Jiwda biyomb gunap apiy, Jiysis nup anḡyak, “Nip an anḡamb ap kun girapan? Gor nep anḡek ap girapiyn angyi, tap mageprek bap gey niñiy, niñind apan anḡun anḡyak.”

¹⁹Kun anḡey, Jiysis kuyip pen anḡak, “Lotiw korip biy timbrikem, ñin omiñal nokom mindiy tip ak giniñgayn anḡak.”

²⁰Kun anḡek anḡyak, “Korip kun biy, simiy ñin omiñal jiwek, gi diyak ak pen; nand ñin omiñal nokom nep gaynimin rek mindip?” ²¹Pen Jiysis korip minim anḡak kun ak, nuk key anḡak. ²²Kun ak mey, kisen nup ñanḡbirik ayey kumiy, ñin omiñal nokom mindiy tikjakek, binuk gok Baybol buk minim nup anḡiy tikiyak ak sek, Jiysis minim anḡak kun ak sek gos niñiy, niñind anḡiy niñyak.

Jiysis Biynimb Gok Maŋgiysek Niŋimb

²³ Jiysis, Jiwda ñin yomb kiyk Pasopa apay kun ak Jerusalem mindiy, tap mageprek gunap gakniŋ, biynimb gok niŋiy, ak Kiyŋ yomb key yimb kond mindiyŋgipun ak nep aŋgiy niŋyak. ²⁴⁻²⁵ Pen Jiysis biynimb maŋgiysek gos namb kuyip biyaŋ key niŋrep gip rek, biynimb kun gok gosimb kiyk ar akay amnak ak, niŋrep gak ak mey; nuk kuyip biynimb yand yipund giy aŋgiy ma niŋak.

Jiysis Niykodiymas Nup Aŋñirep Gak

3 ¹ Bi Peresiy bap Jiwda kanjsol mindiyŋgip ak; yimb nuk Niykodiymas. ² Nuk kisyimken am Jiysis nup niŋiy aŋgak, “Tiysa. Chin niŋbun: tap mageprek gipan gok nak key ma gipnap; Gor nep nip yokek apiy mey, tap mageprek kun gok giying, chinup minim aŋñiyiŋgip gipan aŋgak.”

³ Aŋgek, Jiysis aŋgak, “Yand nip niŋind yimb aspiyn; biynimb Gor gek key kisenimb aypay gok nep, nuk diy kond mindeniŋgamb aŋgak.”

⁴ Kun aŋgek, Niykodiymas aŋgak, “Yergiy biynimb tikayey yomb gipay gok, nonim koŋgiy namb okok tip ak amey, tikayey, biynimb key kisenimb ayningambay?”

⁵ Aŋgek, Jiysis aŋgak, “Nip niŋind yimb aspiyn. Biynimb ñiŋg ak sek, Gor Kawnan ak sek gek, Gor biynimb nuk mindipay gok nep, biynimb yand aŋgiy diy kond mindeniŋgamb. ⁶ Biynimb tikpay rek tikey mindipay ak pen; Gor Kawnan ak gek nep mey, Gor biynimb nuk mindeniŋgambay. ⁷ Kun ak minim kim kisenimb aŋgambiyn ak niŋiy, gos okok ma niŋnimin. ⁸ Yiŋgen ak damb niŋbim ak pen; wip okok sek, amimb okok sek ma niŋbim. Kun ak rek mey, biynimb Gor Kawnan bak ayek, kim kisenimb aypay gok aŋgak.”

⁹ Kun aŋgek, Niykodiymas aŋgak, “Nand aspan ar kun ak, yergiy giniŋgamb aŋgak.”

¹⁰ Aŋgek, Jiysis aŋgak, “Nand Yisrel biynimb lotiw tiysa yomb kiyk ak pen, ma niŋban? ¹¹ Nip niŋind yimb aspiyn: chin windin key niŋiy, niŋrep giy nep nimbip aŋñimbun ak pen; minim chinup ak ma dipim. ¹² Yand nip man ar biy gip rek aŋgen, ma dipan ak, yergiy Gor miñmon biyoŋ gip rek aŋgen diniŋgamban? ¹³ Pen biynimb bap Gor miñmon biyoŋ ma taŋg niŋbay; Bi bap Ñinuk nep kun biyoŋ nimb mindiy owak. ¹⁴ Pen wosrey siyŋ timey gok, Yisrel biynimb kuyip siwey kumyakniŋ, Mosis tap siyŋ rek bap mon bak siŋbiyoŋ gayek, biynimb siyŋ kun ak niŋyak gok, kuyip suŋ ayak. Kun ak rek nep, Bi bap Ñinuk nup mon kiros bak biyoŋ ñaŋgbirik ayey, ¹⁵ biynimb nup gosimb niŋniŋgambay gok, perper mindeniŋgambay. ¹⁶ Gor biynimb mankumb biy maŋgiysek wasemb ay, Ñinuk nokom yimb ak kuyip nen aŋgiy yokek owak ak mey; biynimb nup

gosimb niņningambay gok, kumiy ma kurginingambay; nuk yip perper mindeningambay. ¹⁷Yenen: Gor Ninuk nup yokak kun ak, biynimb gok kuyip, kor ginimuņ anggiy ma yokak; yip ker dinimuņ anggiy yokak.

¹⁸“Biynimb an Ninuk nup gosimb niņbay gok, kor ma niņningambay. Pen biynimb nup gosimb ma niņiy kirpay gok, minim yomb yimb ak mindip. ¹⁹Minim yomb yimb diningambay junj kun ak, kun giy mindip: Melik tep ak man ar biy wip ak pen; biynimb gok Melik kun ak ker amnun angey, kuyip tep ma gip. Kiyk timey gi mindipay rek, kisyim wip okok nep niņey tep gip. ²⁰Bi meliksek ak nup niņey tep ma gek, timey gipun ak miseņ niņningambay anggiy, nup ker ma opay. ²¹Pen biynimb yipund gip ar ak gipay gok, Gor angip rek gispun ak, miseņ niņep rek ayaņ anggiy, Melik mindip kiņiņ siņak opay angak.”

Jon Nuk Jiysis Bi Yerip Rek Ak Anggiy Minim Angak

²²Kisen Jiysis, binuk gok yip am Jiwdiya propens namb okok mindiy, biynimb gok kuyip niņg pikniyingipay. ²³Pen niņ namb kun siņak, Jon bi niņg pikniemb ak kunep, miņmon Yinon yep miņmon Salyim niņg kuņay mindek siņak mindiy; biynimb gok wiyakniņ, kuyip niņg pikniyingip. ²⁴Jon nind kun giyigip; kisen mey nup kalambis ayak. ²⁵Pen Jiwdi bi bap apiy, Jiwdi miņ ar kiyk niņg pikyigipay minim ar ak anggiy, Jon binuk gunap yip penpen angyak. ²⁶Penpen anggiy, Jon binuk gok apiy nup angyak, “Tiysa. Bi siņok Joden niņg gol kind bindoņ mindek, nup biyomb angenak ak, miņiy ap niņg pikniakniņ, biynimb maņgiysek nup ker amjipay angyak.”

²⁷Kun angeyak, Jon angak, “Gor gos nuk key niņimb rek, chinup woņ ar keykey angayip. ²⁸Nimb key niņbim; nimbip angnik, ‘Yand Kiyņ yomb key yimb ak mer; yikop kinjeņ nup ak, Gor angek pindsipiyn angnik.’ ²⁹Bi gok biyn dipay niņ ak, buņgiy kiyk yimb gok, ‘Biyn kun ak chin rek ma dipun anggiy’ gos ak ma niņbay. ‘Buņgiy chin ak, biyn nuk ak pisnep dip anggiy,’ miņmiņ yimb gipay. Yand mey kun ak rek. Nuk biynimb gok kuyip kun giy disap ak, yip tep gip. ³⁰Yimb nup aranakniņ, yimb yip apyowningamb ak, tep yimb.

³¹“Bi semb biyoņ nimb wip ak, Biyomb yimb. Biynimb man ar biy nimb gok, semb biyoņ nimb apiy rek, minim yipul yimb nuk niņiy angip rek angniņgiy. Kiyk lum ar biy nimb ak mey; lum ar biy minim ak angniņgambay. ³²Nuk Nop yip mindiy wak rek, minim yipul yimb ak angip ak pen; minim nup ak ma dipay. ³³Pen biynimb minim nup dipay gok, Gor minim ak niņind nep angip anggiy dipay. ³⁴Gor bi yokak kun ak nup, Kawnan nuk ak yokek ap yip nep mindip ak mey; minim angniimb ak, Gor minim yipund giy ak angniimb. ³⁵Nop Ninuk nup wasemb ay, tap okok maņgiysek kond mindonimuņ anggiy, di niņ ar nup ak ayip. ³⁶Biynimb an Ninuk nup gosimb niņningambay gok gek, perper

mindeningambay; pen biynimb nup kirginingambay gok kuyip gek, miker diyিং nep mindeningambay anggak.”

Jiysis Samariya Biyn Anup Minim Anggak

4 ¹Pen bi Peresiy gok niñyak; biynimb kuñaynep, Jiysis ker mindon anggiy, apey kuyip ñing pikñaak; pen Jon ker, biynimb gunap nep apey kuyip ñing pikñaak. ²Pen Jiysis nuk key kuyip ñing ma pikñaak; binuk gok nep, biynimb gok kuyip ñing pikñaayak. ³⁻⁴Pen Peresiy kay minim kun ak rek anggeyak niñiy, Jiysis Jiwdiya kirgiy, andkind Galiyliy amning, Samariya biynimb mindeyak namb ak amiy, ⁵miñmon Siyka amjakak. Miñmon Siyka mañ kun siñak mey, Jekop nind ñinuk Josep nup mankumb bap anggak. ⁶Pen Jekop ñing kaw dak ak mindek ak mey, Jiysis apek apek, pumbnamb yomb yoñ won ak yiruk gek, am ñing kawrumb gol kun ak bisgak.

⁷⁻⁸Pen binuk gok, keñmangiy tawning miñmon Siyka mañ kun ak amniyakniñ, nuk nep bising mindek. Kun giy bising mindakniñ, biyn Samariya nimb bap ñing malning apek, Jiysis anggak, “Yip ñing mal ñey ñinjiyn anggak.” ⁹Angkek, biyn kun ak anggak, “Nimb Jiwda biynimb, chinup Samariya biynimb niñiy asikrep gipim ak pen, yergiy yip ñing mal ñey ñinjiyn anggiy aspan?”

¹⁰Kun angkek, Jiysis anggak, “Nand Gor Bi yokek miñiy ap minim asap biy nup niñbinap rek, nup ñing ñimbiy perper mindeningambay ak anggniñembnap, nip ñimbikop anggak.”

¹¹Angkek anggak, “Bi. Ñing malep tiyn nand bap ma mindiy, ñing ak kunep yiy akyañ mindip. Kun ak, ñing ñimbiy perper mindeningambay kun ak, akay nimb dingingamban? ¹²Basind yes chin Jekop tikayep biynimb nuk gok sek, kanj siypsiyp nuk gok sek ñimbyingipay ak mey; chinup angkek ñimbun. Pen aspan kun ak, yand biyomb Jekop bi sikoy anggiy aspan?”

¹³Angkek, Jiysis anggak, “Biynimb ñing biy ñiñningambay gok, tip ak ñing nen giningamb; ¹⁴pen biynimb ñing yand ñen ñiñningambay gok, tip ak ñing nen ma giningamb. Pen ñing yand ñen ñimb namb kiyk biyañ ayingambay kun ak, ñing kilam rek jiwying, kuyip gek perper mindeningambay anggak.”

¹⁵Kun angkek, biyn kun ak anggak, “Yip ñing kun ak ñey ñimben, kisen yip ñing nen ma ginimuñ. Pen ap ñing biy ma malnim anggak.”

¹⁶Angkek, Jiysis anggak, “Am nangumiy nup poñind owan anggak.”

¹⁷Angkek anggak, “Yand bi sek mer anggak.”

Angkek, Jiysis anggak, “Minim kun ak niñind aspan. ¹⁸Bi onep mamind ak dinak ak pen; bi miñiy yip mindpiyr ak, nangumiy mer. Kun ak niñind aspan anggak.”

¹⁹Kun angkek, biyn ak anggak, “Yand niñbiyn; nand bi Gor minim anggep bap. ²⁰Apis basind chin wosrey gok, dum biy Gor nup lotiw giyingipay

rek, chin kunep lotiw gi mindpun ak pen; nimb Jiwda kay, Jerusalem nep lotiw giniṅgiy apim aṅgak.”

²¹ Aṅgek aṅgak, “Nip niṅind yimb aspiyn. Kisen dum kun biy akan, Jerusalem nep lotiw ma giniṅgambim. ²² Nimb Samariya biynimb, bi aṅgniṅbim ak nup ma niṅbim. Bi biynimb tungasik dep kun ak Jiwda nimb ak mey, chin Jiwda gok niṅbun. ²³ Ñin per kond mindyṅgipun ak miñiy wip. Biynimb Gor nup lotiw niṅind yimb giniṅgambay gok, Kawnan nuk ak gos ñakniṅ giniṅgambay ak mey; kuyip niṅek tep giniṅgamb. ²⁴ Nuk Kawnan ak mey; biynimb nup lotiw giniṅgambay gok, Kawnan nuk ak yip mindiy, gos tep ñakniṅ lotiw niṅind yimb ar ak giniṅgambay aṅgak.”

²⁵ Jiysis kun aṅgek, biyn ak aṅgak, “Yand niṅbiyn; kisen Kiyṅ yomb key yimb “Krays” apay ak apiy, chinup aṅṅirep giniṅgamb aṅgak.”

²⁶ Aṅgek, Jiysis aṅgak, “Bi kun ak mey yand. Nand yip minim aspur biy aṅgak.”

²⁷ Kun aṅgakniṅ, binuk gok kiyk apchakiy, Jiysis biyn ak yip minim aṅg minderik niṅiy, jiwdiyak. Pen kiyk bap tikjakiy, biyn anup minim nand yerip mindip aṅgiy, ma aṅgniṅyak. Jiysis nup kunep, yenen biyn kun biy yip minim aspiyr aṅgiy ma aṅgniṅyak.

²⁸ Pen biyn ak, ñiṅg tiyn ak kirgiy, tip ak andkind dawin amiy, biynimb mindeyak kun okok kuyip aṅgak, ²⁹ “Apiy, tap okok maṅgiysek gipiyn rek aṅṅiimb bi ak niṅim! Nuk Kiyṅ yomb key yimb ak rek ayip aṅgak.”

³⁰ Kun aṅgek, biynimb kun gok Jiysis nup niṅniṅ dawin ak kirgiy, saṅdiyak.

³¹ Ma wiyak won ak Jiysis binuk gok, nup nembnemb giy aṅgyak, “Tiysa. Tap ñiṅan aṅgyak.” ³² Aṅgey, nuk aṅgak, “Tap ñiṅemb yand per ñimbiyn ak nimb ma niṅbim aṅgak.” ³³ Kun aṅgek, binuk gok kiyk keynep aṅgniṅ aṅgniṅ giy aṅgyak, “Biynimb gunap nup tap keṅmaṅgiy dap ñey ñimbamb?”

³⁴ Pen Jiysis kuyip aṅgak, “Nimbip keṅmaṅgiy nen gip; yip pen tap kun gok nen ma gip. Bapiy minim aṅgak anep gos ayamb, wong aṅgip kun ak gi jiwiy aṅgiy niṅbiyn. ³⁵ Minim bap apun, miñiy wiyt maṅgiy yoksipun ak takin omiṅal omiṅal mindiy, maṅgiy pikgek am tik dand winiṅgambun apun ak pen; miñiy kun ma aṅgjun. Windin nimb ak niṅdand pandikiy niṅim! Wiyt wong gok pikgiy, tik dand owep rek mindip. ³⁶ Kun ak mey per gep rek, biynimb man piṅiypanṅiy wiyt maṅgiy yokpay gok sek, tik dand opay gok sek tap ñiṅemb dipay ak niṅiy miñmiñ gipay. ³⁷ Pen minim bap: bi bap tap yṅ yokniṅgamb; bi bap tap ñiṅemb kun ak diniṅgamb apay. Minim kun ak niṅind apay. ³⁸ Nimbip aṅgyoken, am wiyt maṅgiy tik dand opim. Pen wiyt wong kun ak nimbik ma gipik; biynimb gunap kilis kiyk ak gey jakek, nimb yikop tik dand opim aṅgak.”

³⁹Biy Samariya nimb ak, am biynimb nuk gok kuyip angak, “Bi kun ak tap yeripyerip gipiyn gok mangyisek angnimb angak.” Kun angek kiyk, ak Biyomb chinup biynimb pisnep kumjun rek ayip gok, kim dininngamb angyi; nup gosimb niñyak.

⁴⁰Pen Samariya biynimb Jiysis mindek ak apiy, nup angyak, “Ñin gunap chin yip mindey angyey,” am ñin omiñal kiy yip mindyiny, ⁴¹minim angnek, biynimb tapin gunap sek nup gosimb niñyak. ⁴²Pen biyn kun anup angyak, “Miñiy minim nak anep angyey ma niñbun; minim nuk ak key angek niñbun: nuk nep mey; bi chinup biynimb miñmon keykey di Nop yip jimñiy ayninngamb ak niñiy, nup gosimb niñbun angyak.”

Jiysis Biyomb Bap Ñinuk Anup Gek Suñ Ayak

⁴³Jiysis ñin omiñal Samariya miñmon sikoy kun ak mindiy, minek ak kuyip kirgiy, Galiyliy propens amnak. ⁴⁴Nind minim bap angyi angak, “Bi Gor minim angyep gok, miñmon kiyk key ak mindiy angyey, kuyip ma dipay angak.” ⁴⁵Pen Pasopa ñin ak, Galiyliy biynimb gunap am Jerusalem mindeyak, Jiysis tap mageprek gok gek niñyak ak mey, Galiyliy apchakek niñiy, nup miñmiñ giyak.

⁴⁶Pen Jiysis Galiyliy amiy, miñmon sikoy Keyna amnak. Miñmon kun ak mey, nind ñin yimb ak gek wayn ayak.

Pen biyomb miñmon Kapaniyam nimb bap, ñinuk nup tap gek, ⁴⁷minim bap niñak; Jiysis Jiwdiya kirgiy, ap Galiyliy mindek. Kun ak niñiy mey, mindek ak apiy, nembnemb giying angak, “Ñiyand ak tap giy kumning gisap. Nand kasek amiy, nup gey suñ ayañ angak.”

⁴⁸Kun angek, Jiysis angak, “Yip yikop ma gosimb niñningambim; tap mageprek gunap gen niñiy nep, yip gosimb niñningambim angak.”

⁴⁹Pen biyomb kun ak angak, “Biyomb! Apey amnur! Mer ak; ñiyand ak kumningamb angak.”

⁵⁰Angek, Jiysis angak, “Amnoñ! Ñinak mindeninngamb angak.”

Kun angek, niñind angyip angyi sanjak. ⁵¹Kinjenramb okok amnakniñ, bi nup won ginyingipay gunap ap, nup namb pikiy angyak, “Ñinak ak ma kumningamb; mindeninngamb angyak.”

⁵²Kun angyey, won akay rek suñ ayip angyi, kuyip angninek angyak, “Toyrik pumb kuyim gak won ak angyak.”

⁵³Kun angyey, nuk niñak: ñinak mindeninngamb angak won anep suñ ayak ak mey, biynimb nuk gok yip, Jiysis nup gosimb niñyak.

⁵⁴Pen Jiysis nind Keyna apiy, ñin ak gek wayn ayak; kisen pen am miñmon Jiwdiya mindiy apiy, biyomb ak ñinuk nup gek suñ ayak. Kun gek nup bi yerip rek ak misen yimb niñningiy rek ayak.

Jiysis Gek Bi Ñinng Mangyi Chemb Gol Mindek Ak Suñ Ayak

5 ¹Kisen pen, Jiwda lotiw ñin yomb bap apek, Jiysis Jerusalem amnak. ²Jerusalem kinjenram kanj siypsiyp dand amiy apiy

giyngipay gol sijak; ñing mangiy chemb won bap mindek. Ñing mangiy chemb won kun ak Hiybriw minim angyi, Betsayda angyngipay. Pen ñing gol kun sijak, korip sikoy band onep mamind ak mindek ak mey, ³biynimb tap gak gunap, windin koy gak gunap, ñin tomb kalaw gak gunap ap, korip band kun gok mindeyak. ⁴Yenen: Gor enjol bap gip rek, apiy am ñing mangiy chemb biyan kaskas gakniñ, nind amiy mangiysek tawon amek, chinup suñ aynngamb angyi ap mindeyak. ⁵Pen bi tap gek pernep kum mindek, simiy yin ñin jiwiy, andikiy anjip piskind ak amnak bap mindek. ⁶Jiysis bi kun ak per kum mindyngip rek, nup angniniy angak, “Nip suñ aynimuñ angyi niñban?”

⁷Angek, bi tap gak kun ak angak, “Biyomb! Ñing ak kaskas gakniñ, biynimb yip diy, ñing mangiy chemb namb biyan aynngiy bap ma mindpay. Ñing namb biyan nind amniyn angen; biynimb gunap kasek nind nep ambay angak.”

⁸Kun angek, Jiysis angak, “Tikjakiy, minj nak ak winiñg dand sanndan angak.” ⁹Angek, won kun anep nup suñ ayakniñ, minj nuk ak winiñg dand amnak. ¹⁰Pen Jiysis bi gek suñ ayak ñin kun ak, Jiwda lotiw ñin ak mey, biyomb kiyk gok, bi kun ak nup angyak, “Ñin biy lotiw ñin ak, yenen minj band ak dand taspan?”

¹¹Angey angak, “Bi yip gek suñ ayip ak angyip, ‘Tikjakiy minj band nak ak winiñg dand amnon angyamb,’ dand taspiyn angak.” ¹²Angek angyak, “Bi nip angek, minj band winiñg dand taspan kun ak mey akay angyak.” ¹³Pen Jiysis biynimb kuñay mindeyak namb kun okok kapkap amnak rek, bi yip gek suñ ayip mey biy angyi, angnimuñ rek ma ayak.

¹⁴Kisen pen, Jiysis bi kun anup, Gor angninep korip miñgan ak niñy angak, “Niñan! Nip suñ ayip. Kun ak tap siy tap timey gipan ak kirginimin. Mer ak, nip tap yomb yimb ginimuñ rek ayip angak.”

¹⁵Pen bi kun ak nuk andkind amiy, Jiwda biyomb gok kuyip angak, “Jiysis nep yip gamb suñ ayip angak.” ¹⁶Kun angek niñy, lotiw ñin ak gek suñ ayak angyi, Jiysis nup miluk niñyak. ¹⁷Nuk pen angak, “Bapiy yand ak wong ginep mindip rek, yand kunep ginim angak.” ¹⁸Kun angek, Jiwda biyomb gok, nup nind ñangjun angyi gos niñyak ak, kilis yimb giy niñyak. “Lotiw ñin chinup low ar ak nep ma timbrikip; yand Gor Ñinuk angyip ak, Gor mindip rek mindpiyn angyi asap angyak.”

Nop Angek Ñinuk Wong Ar Keykey Gip

¹⁹Jiysis pen kuyip angak, “Nimbip niñind aspiyn: Ñi ak nuk key tap bap ginimuñ rek ma ayip; Nop tap giniñgamb gok nep niñy giniñgamb. Kun ak, Nop giniñgamb rek, Ñinuk kunep giniñgamb. ²⁰Nop Ñinuk nup wasemb ay, tap nuk gip gip gok mangiysek yomimb. Gunap yomek mey, tap key yimb gok gek niñy, nimb mangiysek wal angningambim. ²¹Pen Nop biynimb kumbay gok, gek tikjakpay rek, Ñinuk kunep, biynimb

gunap gen tikjakyaj angiy, gek tikjakningambay. ²² Biynimb yerer gipay; gos yerip yerip niñbay ak, Nop key kuyip ma bilokip; Ninuk nup angek bilokip. ²³ Kun ak mey, Nop yimb ak dand araniy, Ninuk nup yimb ak dand araniy giningiy. Pen biynimb Ninuk anup yimb ma dand aranimbay gok, Nop yokek owak anup yimb ak kunep, ma dand aranimbay.

²⁴ “Nimbip niñind yimb aspiyn. Biynimb minim yip ak niñiy, Bi yip angyokek winik anup, gosimb niñningambay gok, kumemb kind ak kirgiy, perper mindep kind ak mindpay. Kun ak mey, kor yomb ak ma niñningambay; perper mindeningambay. ²⁵ Nimbip niñind yimb aspiyn. Nin kisen per kond mindpun ak miñiy wip biy, biynimb kumningiy rek mindpay gok, Gor Ninuk minim ak niñey, kuyip dek, biynimb nuk mindeningambay. ²⁶ Nop tap okok mangiysek kim mindep kiñij ak mindip rek, Ninuk kunep kim mindep kiñij ak mindip. ²⁷ Nuk Bi bap Ninuk ak mey; Nop angek biynimb gok kuyip bilokningamb. ²⁸ Minim aspiyn kun ak niñiy wal ma angnimimb; kisen nuk, biynimb kumey komyak gok angek, ²⁹ mangiysek tikjakiy; biynimb mindrep giyngipay gok, am Gor yip mindeningambay; pen mindrep ma giyngipay gok, miker yomb dinengambay. ³⁰ Yand yerip yerip gipiyn ak, key niñiy ma gipiyn; Bapiy nep yip angamb gipiyn. Kun ak biynimb bilokpiyn ak, Bapiy angip rek niñiy, yipund giy nep bilokpiyn. Key niñiy gen, bilokrep ma gip apkup ak pen; Bi yip angek winik ak, gos nuk nimb rek niñiy gipiyn.

Yip Bi Yerip Rek Angiy Ma Niñbim Angak

³¹⁻³² “Yand nep Gor yip yokek winik apnip ak, yipund ma gipkop. Pen yand niñbiyn: Bi yip yokek winik ak, minim nuk angip ak, niñind yimb nep angip. ³³ Nimb Jiwda kay am Jon nup, yip bi yerip rek angiy angnijem, minim yipul yimb ak nimbip angñak. ³⁴⁻³⁵ Gor angyokek awak ak mey; lam yin tep gip rek ak angak. Melik kun ak niñiy, miñmiñ gipik ak pen, won ak kirpik. Yand niñen, Jon akañ biynimb gunap minim angningambay ak, minim yomb mer ak pen; minim yand apiyn ak niñrep giy, Gor nup chingem, miker yomb ak nimbip ma dinimuñ angiy aspiyn.

³⁶ “Jon nimbip angrep gak ak pen; ak yikop minim nep angak. Yand apiy, Bapiy ginimin angak rek, tap key yimb gok gipiyn ak mey; nuk yip yokak ak niñun angiy, misen yimb niñbikip. ³⁷⁻³⁸ Pen Bapiy yip yokak ak, yip angiy minim angip ak pen; minim nup ma diy, yip gosimb ma niñbim. Kun ak minim nup ak ma niñiy, nup Bi yerip rek ak ma niñiy gipim.

³⁹⁻⁴⁰ “Nimb perper mindenjun angiy, Baybol buk day nind tikyak gok niñrep gun angiy, per niñbim ak, tep gipim ak pen; yip angiy tikyak rek niñiy, yip ker apem, nimbip gen suñ-tep mindiy perper ma mindeningambim. ⁴¹ “Biynimb gok yimb yip dand araniy angy ma aspiyn; ⁴² Gor nup gosimb ma niñbim ak niñiy aspiyn. ⁴³ Bapiy nep yip angek opiy ak pen, yip ma dipim. Pen bi kisen bap gos nuk key niñiy

apeningamb, nup dingingambim. ⁴⁴Biynimb gok chinup niñey tep ginimuñ anggiy nep niñbim; Biyomb yimb ak chinup niñek tep ginimuñ anggiy, gos ak ma niñbim. Kun ak yergiy nup gosimb niñem, nimbip dingingamb?

⁴⁵“Pen Nop Ñinuk minim ak diy, chinup kor giningamb anggiy gos ak ma niñnimimb. Mosis anggiy tikak rek nep giningambun apim ak pen; minim anggak kun ak diy, nimbip kor giningamb. ⁴⁶Pen Mosis Baybol buk minim tikak gunap ma dipik rek; minim yip anggak ak sesek ma dipik. ⁴⁷Minim nup ak diy rek, minim yip ak kunep dipkip anggak.”

Jiysis Bi Payp Tawsin Rek Tap Keñmanggiy Ñek Ñiyak
(*Mat 14:13-21; Mak 6:30-44; Luk 9:10-17*)

6 ¹Pen Jiysis kun giy mindiy, bot diy Galiyliy chemb tikiy, pis bindon amnak. Galiyliy chemb kun ak nep, yimb bap Taybiyriyas anggiyngipay.

²⁻⁶Pen nuk biynimb gok gek, suñ ayek niñyak rek, biynimb kuñaynep nup kisen giyngipay. Ñin namb kun ak, Jiwda ñin yomb Pasopa apay ak mañ mañ gak rek, biynimb kuñaynep miñmon namb kun ak tañgeyak. Kun ak niñiy, Jiysis binuk gok yip am dum bap, bising mindiyng niñak; biynimb kuñay yimb nep nup niñning apeyak. Niñiy, yerer giningamb ak key niñak ak pen; binuk Piyliyp yerip angningamb anggiy, nup anggak, “Chin keñmanggiy akay nimb diy, biynimb guniy kuyip ñon niñningambay anggak.”

⁷Angkek, Piyliyp anggak, “Tiw handret kiyna rek dand amiy, biret taw dand apiy, tipang siskoy giy, manggiysek ñey niñningiy rek ma ayningamb anggak.”

⁸Kun angkek, Saymon Piyta numam Enjriw anggak, ⁹“Niskoy bap, biret onep mamind ak, piys omiñal sek di mindip biy ak pen, ak tap yomb mer anggak.”

¹⁰Angkek, Jiysis anggak, “Biynimb gok angem, bisgiyan anggak.” Kun angkek, binuk gok biynimb gok kuyip anggeyak, tap kaskas ar kun okok bisgiyak. Biynimb kuñaynep kun gok, bi gok nep, payp tawsin rek amnak.

¹¹Kiyk kun giy bisgiyakniñ, Jiysis biret ak diy, Gor nup tep anggiy, kuyip bilok ñak. Piys ak kunep gak. Kuyip kun giy bilok ñek, ñimbey ñimbey tapin ayek, day gok kirgiyak. ¹²Kun gey, binuk gok kuyip anggak, “Tap ñimbey kirpay gok, dand doñwiw ma gep anggak.” ¹³Angkek, binuk gok yipruñ wand yingey yingey, wand onep wimiñgan ak arachakak.

¹⁴Biynimb gok tap mageprek gak kun ak niñiy anggyak, “Chin miñiy niñbun; bi biy mey, bi Gor minim anggep mankumb biy winingamb anggiy, per apun ak anggyak.” ¹⁵Pen Jiysis niñak; biynimb gok nup ap kilis giy, kiyñ chin minden angningambay ak niñiy, nuk tip ak am, yirik okok key asiy mindek.

Jiysis Ñing Kas Ar Ak Tawind Amnak
(*Mat 14:22-23; Mak 6:45-52*)

¹⁶Pen dungep won ak, Jiysis binuk gok tip ak Kapaniyam amning, am niñ chemb biyan amiy, ¹⁷Jiysis apek amnun anggiy, kond mind gey gey

kisyim apek, kiyk nep bot diy sanḏiyak. ¹⁸ Amniyakniḡ, pinim yomb diy, ḡniḡ ak paḡgak. ¹⁹ Pen tapin nep pul gi dand ḡniḡ namb siḡak amyḡḡ niḡyak; Jiysis ḡniḡ kas ar ak tawind kiḡniḡ kun siḡak apchakek, niḡiy pirikeyak aḡgak, ²⁰ “Ma piriknimimb! Ak yand nep aḡgak.” ²¹ Kun aḡgek, ma pirikiy, nup bot miḡgan aḡgey amnakniḡ, miḡmon wikan amniḡḡ giyak ak amjakyak.

Jiysis Nup Piyow Niḡyak

²²⁻²³ Minek biynimb gok tip ak Jiysis nup niḡniḡḡ; Gor nup tep aḡgiy, tap ḡek niḡyak tip ak amniyak. Amiy, minim bap niḡyak: bot diy wiyak ak, binuk gok nep diy amniyak; Jiysis yip ma amniyak. ²⁴ Pen Jiysis yip ma amniyak rek, nup niḡjun aḡgiy, Taybiyriyas nimb bot gunap diy, Kapaniyam amniyak.

Jiysis Nup Diy Mey Perper Mindeniḡambay

²⁵ Kapaniyam amjakiy, Jiysis nup niḡiy aḡgyak, “Tiysa. Nand won akay biy opan?” ²⁶ Aḡgey aḡgak, “Nimbip niḡind aspiyn. Keḡmaḡgiy ḡen, ḡimb mer niḡiy kirgipim rek, yip tip piyow taspim; pen tap mageprek gipiyn minim junj ak ma niḡbim. ²⁷ Tap ḡimbdiy per ma mindeniḡambim gok piyow niḡraspim ak kirgiy, Bi bap Niḡuk nimbip gek perper mindeniḡambim ak niḡiy, ar kun ak amnimimb. Bapiy Gor Bi kun ak nup, bi yand yimb aḡgiy yip mindek mey, tap mageprek ak gek niḡbik aḡgak.”

²⁸ Kun aḡgek aḡgyak, “Perper mindonjun aḡgiy, Gor gos nuk niḡimb ak, nup yergiy rek direp ginjun aḡgyak.”

²⁹ Aḡgeyak, Jiysis aḡgak, “Gor nup tep giniḡamb ak mey, Binuk yokek wak ak, Gor nep yokek awak aḡgiy, nup gosimb niḡniḡambim aḡgak.”

³⁰ Kun aḡgek aḡgyak, “Chinup tap mageprek bap gey niḡiy, Gor nep nip yokek winak aḡgiy niḡjun. Kun ak chinup tap yerip rek giniḡamban?

³¹ Apis basind sikop wosrey, miḡmon nep namb okok mindiy, tap mana apay ak ḡimbyḡḡipay. Mosis kuyip gi tep gek, tap mana kun ak di biret rek gay ḡimbyḡḡipay ak, Baybol buk ak tikiy aḡgyak, ‘Kuyip keḡmaḡgiy semb biyoḡ nimb ak ḡek, ḡimbyḡḡipay aḡgyak.’”

³² Kun aḡgeyak, Jiysis kuyip aḡgak, “Nimbip niḡind yimb aspiyn. Biret semb biyoḡ nimb diy niḡyak kun ak, Mosis mer: Bapiy yand ak ḡek ḡimbyḡḡipay. Nuk nep mey; nimbip biret niḡind yimb anup, yokek wip. ³³ Biret niḡind yimb yokek wip aspiyn kun ak, Bi semb biyoḡ nimb biy apiy, biynimb gok kuyip gek suḡ-tep mindiy, perper mindeniḡambay anup aspiyn aḡgak.”

³⁴ Jiysis kun aḡgek aḡgyak, “Biyomb. Biret kun ak chinup ḡiyiḡḡ nep mindenimin aḡgyak.”

³⁵ Aḡgeyak aḡgak, “Yand nep mey biret rek; biynimb yip dipay gok perper mindeniḡambay. Biynimb yip gosimb niḡiy, yip ker winiḡambay

gok, tip ak yiwan rek akan, ñing nen rek ma giningamb; mey tep anggiy niñningambay. ³⁶Pen nimbip angambiyn rek: yip windin niñbim ak pen, yip gosimb ma niñbim. ³⁷Bapiy biynimb yip angningamb gok, yip ker winingambay. Biynimb yip ker winingambay gok, ma yimb angyokningayn. ³⁸Yenen: yand semb biyoñ nimb winik ak, key niñbiyn rek giyn anggiy ma winik; Bi yip yokek winik ak, gos nuk niñiy angip rek, giyn anggiy winik. ³⁹Nup tep giningamb ak mey: biynimb yip angip gok niñminden, gunap ma kurginingiy; ñin kisen ak apek, mañgiysek gen tip ak tikjakningiy. ⁴⁰Bapiy nuk angip ak, ‘Biynimb gok Niyand anup minim ak niñey, nup gosimb niñey mey; kuyip gen perper mindeningambay angip.’ Kun ak ñin kisen ak apek, kuyip gen tikjakningambay angak.”

⁴¹Pen Jiysis minim kun angyiñg, yand nep mey, biret semb biyoñ nimb wip ak angek, ⁴²Jiwda biynimb gok pemiy anggiy angyak, “Bi biy Josep ñinuk Jiysis nep rek? Nop nonim nuk ak chin niñbun. Kun ak yergiy pen, semb biyoñ nimb opiyn angip?”

⁴³Kun angeyak, nuk pen angak, “Pemiy ma angnimimb. ⁴⁴Biynimb bap gos peyiñg yip ker ma winingambay; Bapiy gos tep ñek nep mey, yip ker apey, ñin kisen ak kuyip gen tip ak tikjakningambay. ⁴⁵Baybol buk ak tikiy angyak, ‘Gor biynimb mañgiysek nimbip gok kuyip gos ñiningamb angyak.’ Biynimb gos nuk nimb rek niñbay gok mañgiysek, yip ker opay. ⁴⁶Biynimb gunap Bapiy Gor nup windin ma niñbay; Bi yokek wip anep nup niñimb. ⁴⁷Nimbip niñind yimb apiyn; biynimb yip gosimb niñningambay gok, perper mindeningambay. ⁴⁸Kun ak yand mey, biret ñimbiy kim mindeningambay ak. ⁴⁹Nasind napsi sikop wosrey, miñmon nep namb okok mindiy, tap mana ak ñiñyak ak pen, yep won bap mindiy kumyak. ⁵⁰Biret Gor yokek owak anggiy, yand aspiyn ak; biynimb ñimbiy, perper mindeningambay.

⁵¹“Yand biret kim mindep semb biyoñ nimb winik. Biynimb biret kim mindep semb biyoñ nimb kun ak, ñimb namb biyañ ayningambay gok, perper mindeningambay. Pen biynimb gok tap ñimbiyiñg nep mindpay. Mumbwak yand ak mey, kun ak rek. Biynimb miñmon okok mañgiysek kuyip anggiy, mumbwak yand ak Gor nup simboñginiñgayn ak mey; chinup nen kumimb anggiy gosimb niñningambay biynimb gok, perper mindeningambay angak.”

⁵²Jiysis kun angek, Jiwda biynimb kiyk keynep penpen anggiy, gunap angyak, “Bi biy chinup yergiy, mumbwak nuk ak ñek niñningambun?”

⁵³Angeyak, Jiysis angak, “Nimbip niñind yimb aspiyn. Biynimb Bi bap Ñinuk kiros bak biyoñ kumningamb ak, chinup nen kumningamb; likañ nuk yowningamb ak, chinup nen yowningamb anggiy, yip di namb kiyk biyañ ayningambay gok nep, Gor deningamb perper mindeningambay.

⁵⁴Kun ak biynimb mumbwak likañ yip diniñgambay gok, perper mindeningiy rek ayningamb. Ñin kisen ak apek, kuyip gen tip ak tikjakiy, perper mindeningambay.

⁵⁵“Kun ak keñmanġiy gok, tap yikop ñimbay ak pen; mumbwak yand ak sek, likañ yand ak sek tap yimb. ⁵⁶Biynimb mumbwak likañ yip niñind yimb anġiy dipay gok, yip chingipay. Yand kuyip pen kunep chingipiyn. ⁵⁷Bapiy biynimb gok kim mindeniġiy anġiy, yip yokek winik ak, yip nep mindip ak mey, biynimb yip di namb biyañ ayniġambay gok kuyip gen, perper mindeniġambay. ⁵⁸Minim ar kun ak mey, biret semb biyoñ nimb wip apiyn ak. Biret kun ak, basind apis sikop tap mana apay ak ñimbiy, mind dand amiy kumyak rek mer; biynimb biret yand apiyn ak, ñimb namb biyañ ayniġambay gok, perper nep mindeniġambay anġak.”

Gunap Jiysis Nup Kirgiyak

⁵⁹Jiysis Kapaniyam nan-gep korip ak mindiy, minim kun ak anġek, ⁶⁰biynimb nuk gok kuñaynep niñiy anġyak, “Minim miker gip kun ak, an rek niñniġamb anġyak.”

⁶¹Anġyak kun ak, Jiysis key niñiy anġak, “Minim kun ak anġen nimbip tep ma gip? ⁶²Pen Bi bap Ñinuk mindiy, owak biyoñ tip andkind amnakniñ, gos yerip niñniġambim? ⁶³Mumbwak ak tap yikop; Gor Kawnan ak tap yimb. Minim nimbip apiyn ak, Gor Kawnan ak gos ñek apiyn ak mey; biynimb minim kun ak diniġambay gok, kuyip gek perper mindeniġambay anġak.” ⁶⁴Pen Jiysis nuk nind nep: an nup gos niñniġamb, an nup gos ma niñniġamb, an nup mimuñġ giniġamb ak niñak ak mey, anġak, “Nimb gunap yip ma gosimb niñbim anġak.” ⁶⁵Pen minim gunap sek anġiy anġak, “Ar kun ak nep nimbip apiyn; biynimb gos keynep niñiy, yip gosimb niñniġiy rek ma ayip; Bapiy nep mey, kuyip gos tep ñakniñ, yip gosimb niñniġambay anġak.”

⁶⁶Jiysis minim kun ak anġjiwakniñ, biynimb ap minim nup niñyiġipay gok, kuñaynep nup kirgiy, keykey amniyak. ⁶⁷Nup kiriñ ameyak, binuk onep wimiñgan ak kuyip anġniñiy anġak, “Nimb kunep yip kiriñ amniġambim?”

⁶⁸Anġek, Saymon Piyta anġak, “Biyomb. An ker amjun? Minim nand apan ak niñiy mey, perper mindeniġambun. ⁶⁹Nip niñbun: nand Gor Bi suñ-tep nuk, chinup yokip anep mindpan anġak.”

⁷⁰⁻⁷¹Kun anġek, Jiysis pen, Jiwdas Yiskariyot Saymon ñinuk ak, kisen nup mimuñġ giniġamb rek niñiy, kuyip anġak, “Nimbip onep wimiñgan ak dipiyn ak pen; nimb bap bi timey Seytan ker mindpim anġak.”

Jiysis Numam Nuk Gok Yip

7 ¹Kisen pen Jiwda biyomb gok, Jiysis nup ñanġniġ gey niñiy, Jiwdiya propens ma giranġyiġip; Galiyliy propens nep giranġyiġip. ²Pen Jiwda ñin yomb kiyk, korip bandak band giy miñmiñ giyiġipay ak, mañ mañ gakniñ, ³⁻⁴Jiysis numam sikop, nup kunep ma

gos niŋyak rek, mindek ak apiy aŋgyak, “Nand Biyomb mindpan rek, Jiwdiya amiy, biynimb minim nip niŋning winiŋgiy gok, tap mageprek gipan rek gunap gey niŋningiy. ⁵Biynimb yomb mindning gipay gok, tap kiyk gok weygiy ma gipay; miseŋ yimb gipay. Kun ak nand bi key yimb gipan ak, tap mageprek gunap gey, biynimb maŋgiysek niŋningiy aŋgyak.”

⁶Kun aŋgey, Jiysis kuyip aŋgak, “Ñin monmon gok, ñin nimb ak mey, amning amningambim. Pen Gor yip aŋgayip ñin ak ma wip. ⁷Biynimb Gor nup ma chingpay gok, tap siy tap timey gipim aŋgen niŋiy, yip miluk niŋbay; pen nimbip niŋiy miluk niŋningiy rek ma mindip. ⁸Kun ak ñin yomb ak maŋ asaw rek, Jerusalem amnimimb; pen ñin yand ak ma wip rek, yand yip ma amningambun aŋgak.” ⁹Kun aŋgiy, nuk Galiyliy mindek.

Jiysis Ñin Yomb Owakniŋ Jerusalem Amnak

¹⁰Pen kun aŋgek numam sikop nind amniyak. Kisen nuk amning; miseŋ ma amnak, wey wey giyiŋ amnak. ¹¹Pen Jiwdiya biyomb gok, Jiysis akay aŋgiy, biynimb kuŋay ap mindeyak gok kuyip aŋgniŋyak. ¹²⁻¹³Pen biynimb yikop gok, Jiwdiya biyomb kun gok kuyip pirikyak rek, minim kapkap aŋgiŋ aŋgyak, “Jiysis bi tep yimb aŋgyak.” Gunap pen aŋgyak, “Mer. Nuk biynimb gok kuyip tom gip sek aŋgyak.”

¹⁴Ñin yomb kiyk kun ak, yep ñin kaw bap nep mindakniŋ, Jiysis apchakiy, Gor aŋgniŋep korip ak amiy, kuyip minim aŋgñak. ¹⁵Aŋgñek niŋiy, Jiwdiya biyomb gok wal aŋgiy aŋgyak, “Bi biy sikul ma aŋgak ak pen, yergiy minim okok maŋgiysek niŋimb aŋgyak.”

¹⁶Kun aŋgyak ak pen, Jiysis aŋgak, “Minim aŋgñimbiyn gok, yand key niŋiy ma apiyn; Bi yip aŋgyokek winik anep gos ñamb apiyn. ¹⁷Biynimb Gor aŋgip rek gun aŋgiy gi dand amningambay gok, Gor minim nup akaŋ, minim yand key apiyn ak, kuyip gos ñek niŋningambay. ¹⁸Nimb niŋbim: biynimb minim kiyk key aŋgningambay gok, yimb chin aranimuŋ aŋgiy, minim okok nimb okok nimb aŋgningambay. Pen Gor bi yokek minim nup aŋgning wip ak; bi minim yipund giy nep aŋgningamb ak mey; yesek aŋgnimuŋ rek ma mindip. ¹⁹Mosis, Gor aŋgak aŋgak rek low gunap aŋgñak ak pen; nimb bap low ar kun gok kindik ma gipim. Minim bap mindek mer; yip yikop yimb ñaŋgning gispim aŋgak.”

²⁰Jiysis kun aŋgek, biynimb ap mindeyak gok aŋgyak, “Nip an ñaŋgning gisap. Nip kichekiy ambaŋ ayamb aspan?”

²¹Aŋgey, Jiysis aŋgak, “Yand tap mageprek nokom bap genik, nimb maŋgiysek lotiw ñin ak yenen kun gip aŋgiy, jiw dipik. ²²⁻²³Nimb Mosis aŋgak rek, ñi gok tikiy, ñin onep ar ak mindiy, minek jiy ak kumbak tikpim. Gipim kun ak Mosis nuk mer, nasind yes sikop nind kiŋiŋ gi gey mey kun gipim. Pen kumbak tikpim kun ak, ñin gunap Jiwdiya lotiw ñin

ak apek, ma kirpim; monmon kumbak tikpim. Gipim kun ak rek, lotiw ñin ak, bi bap nup gen pisnep suñ ayak ak; yip yenen miluk niñbim. ²⁴Kun ak kisen minim ar ar nep niñiy ma angnimimb; niñrep giy, yipund giniñgamb ar ak niñiy angnimimb angak.”

Jiysis Mey, Kiyñ Yomb Key Yimb Ak Akan Angyak

²⁵Jerusalem biynimb gunap angyak, “Biyomb gok, bi ñangun angyi niñbay ak, mey biy rek ayip? ²⁶Pen niñim! Bi kun ak nuk biynimb namb yomb biy minim angakniñ, pen minim bap ma aspay. Kun ak kiyk key, nuk bi kiyñ yomb key yimb ak angyi niñbay rek ayip! ²⁷Pen bi kiyñ yomb key yimb opkop ak, akay nimb wip angyi ma niñbinup; bi biy akay nimb wip ak chin mangiysek niñbun angyak.”

²⁸⁻²⁹Pen Jiysis Gor angninep korip miñgan biyañ, minim anğ nep mindying, menğ miñgan dand araniy angak, “Nimbik yip niñrep yimb giy, akay nimb winik ak niñbim. Pen yand key ma winik; Bi biynimb anğdep ak nep yip angyokek winik. Yand nuk yip mindiy, yip angyokek winik rek nup niñbiy; pen nimbik nup ma niñbim angak.”

³⁰Kun angek, nup chichiy diy dand kor amnun angyi niñyak ak pen; Nop Gor nup pikayniñgambay angyi anğayak ñin ak ma owak rek, biynimb bap nup ma chichiy diyak. ³¹Pen biynimb kuñaynep kun gok, gunap Jiysis bi kiyñ yomb key yimb ak angyi niñyak. Niñiy angyak, “Bi kiyñ yomb key yimb kisen winiñgamb apay ak, tap mageprek kuñaynep giy, bi biy nup wiyniyim ginimuj rek ma ayip angyak.”

Jiysis Nup Am Dand Wim Angyi, Poliys Gok Kuyip Angyokyak

³²Pen biynimb gok, bi kiyñ yomb key yimb anup minim kun ak kapkap anğeyak niñiy, bi Peresiy gok sek, bi Gor nup tap simbonğep yomb gok sek Jiysis nup am dand winimimb angyi, Jiwda poliys gunap angyokyak.

³³Jiysis pen angak, “Yand yep won bap mindiy, Bi yip yokamb opiyn ak ker tip amniñgayn. ³⁴Yip akay amimb angyi piyowniñgambim ak pen, ma niñniñgambim. Yand amniñgayn ar ak, nimb kisen ginimimb rek ma ayip angak.”

³⁵Kun angek, Jiwda biyomb gok kiyk keynep anğniñ anğniñ giy angyak, “Nuk akay amek, nup ma niñniñgambun? Nuk am Jiwda biynimb jiw am Griyk mindpay okok amiy, biynimb kun okok kuyip minim anğniñying mindeniñgamb nup ma niñniñgambun? ³⁶Pen yenen anğip, ‘Yip piyow niñiy ma niñniñgambim; amniñgayn ar ak kisen ginimimb rek ma ayip anğip’ angyak.”

Gor Kawnan Ak Niñg Kilam Rek Jiwiw Winiñgamb

³⁷Jiwda ñin yomb kiyk kun ak, ñin kisen yimb ak apek, Jiysis tikjakiy, menğ miñgan dand araniy angak, “Biynimb an kuñam kinjik gek, yip ker

apiy ñiñg ñiñningiy. ³⁸Biynimb yip gosimb niñningambay gok, Baybol buk ak aŋgip rek, ñiñg ñimbiy perper mindeningambay ak, namb kuyip biyañ kilam jiwiy winiñgamb aŋgak.” ³⁹Ñin kun ak, Jiysis kumiy tikjakiy Nop ker ma amek mey, Gor Kawnan nuk ak biynimb gok kuyip ma yokak. Ñiñg kilam jiwiy winiñgamb minim aŋgak kun ak; nup gosimb niñey, Gor Kawnan ap kiy yip mindiy, giniñgamb rek aŋgak.

Kiyk Key Tuŋg Asik Keykey Ayak

⁴⁰Jiysis kun aŋgek, biynimb kuñaynep kun gok, gunap minim aŋgak kun ak niñiy aŋgyak, “Bi biy, bi Gor minim aŋgep winiñgamb aŋgiy kond mindyngipun ak aŋgyak.”

⁴¹Gunap aŋgyak, “Nuk bi kiyñ yomb key yimb ak aŋgyak!”

Kun aŋgeyak, gunap pen aŋgyak, “Kiyñ yomb key yimb ak Galiyliy nimb ma winiñgamb! ⁴²Baybol buk ak aŋgip rek, Jiwda bi kiyñ yomb key yimb ak, Depiyt tikek tik dand amiy apiy giy, tikniñgambay Depiyt miñmon nuk Betliyhem aŋgyak.” ⁴³Jiysis nup nen aŋgiy, biynimb kuñay mindeyak kun gok, asik pis ak key, pis ak key ay, ⁴⁴gunap nup diy dand kor amnun aŋgyak ak pen, nup ma diyak.

Jiwda Biyomb Gok Nup Ma Gos Niñyak

⁴⁵Pen Jiwda poliys gok andkind amey, bi Peresiy gok sek, bi Gor nup simbongep yomb gok sek aŋgyak, “Bi kun anup yenen ma dand opim?”

⁴⁶Aŋgey, bi poliys kun gok aŋgyak, “Biynimb bap, bi kun ak minim tep yimb aŋgip rek ma apay aŋgyak.”

⁴⁷Kun aŋgey, bi Peresiy gok aŋgyak, “Nimb biynimb gunap bi tom gip kun ak niñind aŋgip aŋgiy niñbay rek niñbim? ⁴⁸Bi chin Peresiy bap akañ, Jiwda biyomb gunap nup gos niñiy ma dipay. ⁴⁹Biynimb guniy kiyk Mosis low ak ma niñbay rek, yiwur yomb diniñgambay aŋgyak.”

⁵⁰Pen bi kiyk Niykodiymas, bi nind kisyimken amiy Jiysis nup minim gunap aŋgniñak ak, kuyip aŋgak, ⁵¹“Jiwda low chin ar ak, bi bap nup timey gipan aŋgiy, yikop kalambis ma aypun; kor giy junj bap niñiy nep mey, kun gipun aŋgak.”

⁵²Aŋgek aŋgyak, “Nak kunep Galiyliy nimb rek? Baybol buk ak riytiym gi dand amiy niñningamban: bi Gor minim aŋgep bap, Galiyliy nimb ma winiñgamb aŋgyak.” ⁵³[Kun aŋgiy, kiyk maŋgiysekorip kiyk keykey amniyak.

Biyn Bap Am Bi Bap Yip Di Gak

8 ¹Pen Jiysis nuk miñmon Oliyp dum am kiniy, ²minek miñmon tikdam yokakniñ, tip ak andkind Gor aŋgniñep korip ak apek, biynimb kuñaynep ap nup piñiy kus kus gey, nuk bisinñ mindyng, minim aŋgni mindek. ³⁻⁴Aŋgni mindakniñ, bi low tiysa gok sek, bi

Peresiy gok sek biyn bap, bi bap yip di gek, dap biynimb mindeyak namb sijak ay, Jiysis nup angyak, “Tiysa. Biyn biy bi sek ak pen, bi bap yip di gambiy niñiy, dand aswun. ⁵Mosis low ak biyn bi kun gok rek, kamb jiw pikayingiy angak. Kun ak biyn gip kun biy, nand yerip gos niñban angyak.” ⁶Pen kiyk minim kun ak yesek kun angon, nuk yerip angek, nup kor gun angyiy angyak ak mey, nuk yikop jiy kuyangiy, lum ar ak kil tik mindek. ⁷Pen nup minim kun ak angninsep mindeyak, nuk tikjakiy kuyip angak, “Bi tap siy tap timey ma gip bap mindonimuñ ak, kamb bap diy, biyn kun ak mindonimuñ sijak nind diyoknimuñ angak.” ⁸Kun angyiy, tip ak kuyangiy, man biyan kil tik mindakniñ, ⁹bi nup kor gun angyak kun gok, minim angak kun ak niñiy, biyomb yomb rek gok nokom nokom kiring amniyakniñ, mangiysek kiring keykey amdiyak. Jiysis yip, biyn ak yip nep minderik. ¹⁰Kun ak nuk kund almil ay bisinñ mindyiny; biyn kun anup angak, “Bi gok akay? Bi nip kor ginimuñ bap ma mindip rek?” ¹¹Angek, biyn ak angak, “Biyomb. Bi yip kor ginimuñ bap ma mindip angak.” Angek, Jiysis angak, “Yand kunep nip kor ma giniñgayn nen amnoñ! Pen tap siy tap timey ak tip ma ginimin angak.”]

Jiysis Mey, Biynimb Gok Melik Kiyk

¹²Jiysis kuyip tip ak angyiy angak, “Mankumb biy melik ak yand mindpiyn. Biynimb an yip chingiy tanjeningambay gok, kisyimnamb okok ma tanjeningambay; permindep melik tep ak diy tanjeningambay angak.”

¹³Kun angek, bi Peresiy gok nup angyak, “Minim nak keynep apan ak, dep rek ma ayip angyak.”

¹⁴Kun angey, Jiysis angak, “Minim kun ak yand key aspiyn ak pen, niñind aspiyn. Yenen: yand opiyn okok niñiy, amniñgayn okok niñiy gipiyn. Pen nimb, opiyn okok, amniñgayn okok ma niñbim. ¹⁵Nimb minim tungasikying, ar ak tep gipim, ar ak timey gipim apim ak, biynimb Gor nup ma chingipay gok gos niñiy apay rek nep apim. Pen yand nimb apim ar kun ak rek ma apiyn. ¹⁶Bapiy yip yokek winik ak, yip mindpiyn rek, minim tungasikniñ; niñind nep angyiy tungasikpiyn. ¹⁷Low minim nimbik ar ak apim, ‘Bi omiñal minim ar nokom kun anep anjeningayr mey; ak niñind apiyr angyiy niñningambay apim.’ ¹⁸Low nimb kun ak rek. Bapiy yip yokip ak, minim chirapiy nokom kun anep apur ak mey, niñind apur angak.”

¹⁹Kun angek, nup angyak “Nap akay?”

Angey angak, “Nimbik yip ma niñbim rek, Bapiy nup kunep ma niñbim. Yip niñiy rek, Bapiy nup kunep niñbikip angak.”

²⁰Jiysis lotiw korip opriyñ dap yokpay miñgan ak, minim kun ak angnak ak pen, Gor ñin nup angyak ak ma wak rek, biynimb bap nup chichiy diy, dand kor amniñgiy rek ma ayak!

Yand Amjipiyn Okok Nimbik Ma Amningambim

²¹Jiysis kuyip tip ak angak, “Yand amen, yip piyowningambim ak pen, nimbik tap timey ginep mindiy kumningambim rek, amningayn tip ak ma niningambim angak.”

²²Kun anggek, Jiwda biyomb gok angyak, “Nuk angip yand amjipiyn okok ma niningambim angip ak, yenen kun angip? Nuk key pikayning kun angip?”

²³Kun angyak ak pen, Jiysis kuyip angak, “Nimb biy nimb; yand biyon nimb winik. Nimb mankumb biy ker; yand pen mankumb biy ker ma mindpiyn. ²⁴Kun ak niñiy mey, ‘Nimb tap siy tap timey gi mindiy kumningambim apiyn.’ Pen yip mey bi kun ak nep angiy, gosimb ma niñningambim ak; gach sek mindpim rek mindiy, kumningambim angak.”

²⁵Kun anggek angyak, “Nand an?”

Anggey, Jiysis angak, “Nimbip per ma angñimbiyn? ²⁶Nimbip minim ang ginim ar ak, kuñaynep mindip. Bi yip angyokek winik ak, gos okok mangiysek niñrep gip rek, yip gos ñakniñ, biynimb gok kuyip angñimbiyn ak pen; nimb ma niñjun angiy nep niñbim angak.”

²⁷Jiysis Nop nup angiy minim angak kun ak ma niñyak rek, kuyip angak, ²⁸“Bi bap Ñinuk nup ñangbirikningambim ñin ak, giningamb giningamb rek niñiy angningambim, ‘Ak Bi kun anep. Nuk tap bap key niñiy ma giyñgip; Nop minim angñiyñgip rek nep niñiy angyñgip angningambim.’ ²⁹Bi yip yokek winik anup, tep gip ar anep gipiyn ak mey, yip ma kirgip; nuk yip nep mindpur angak.”

³⁰Jiysis minim kun ak angakniñ, biynimb kuñaynep nup Kiyñ yomb key yimb ak angiy gos niñyak. ³¹Pen Jiwda biynimb nup Kiyñ yomb key yimb angiy niñyak kun gok kuyip angak, “Biynimb minim yip ar ar diniñgambay gok, biynimb yand mer. Biynimb yand mey, minim yip pisnep dipay gok. ³²Biynimb yand mindeningambim rek, Gor nimbip gos tep ñek, minim yerip yipund giy mindip ak niñiy, kalambis wong rek gi mindpim ak kirgiy, mindrep giningambim angak.”

³³Kun anggek angyak, “Minim apan kun ak yerip? Chin basind Ebrahim ñapan nuk mindpun ak, chin biynimb gunap kuyip kalambis wong rek ma gipun angyak.”

³⁴Kun anggeyak, Jiysis angak, “Nimbip niñind aspiyn. Biynimb tap siy tap timey gipay gok, key mindrep giniñgiy rek ma ayamb mey, kalambis wong rek gi mindpay. ³⁵Biynimb kalambis wong gipay kun gok, Biyomb ak biynimb kiññ nuk yimb ma mindpay. Pen Bi bap Ñinuk ak nep mey; Biyomb ak Ñinuk yimb. ³⁶Nuk nimbip biynimb kalambis wong rek gi mindpim gok, wisik yokeningamb, biynimb kalambis wong gipay rek ma mindeningambim; Biyomb ak biynimb nuk yimb mindeningambim. ³⁷Nimbip Ebrahim tikek tikey apek mindpim ak niñbiyn ak pen; nuk

giyɨŋgip rek ma giy, minim apiyn ak ma diy, yip ñaŋgning gispim. ³⁸Yand Bapiy yip mindiy niŋnik rek nimbip aŋgñimbiyn; pen nimb, nap nimbik ak minim aŋgip ar gok nep gipim aŋgak.”

³⁹Aŋgek aŋgyak, “Bapiy chin mey Ebrahim aŋgyak.”

Aŋgey, Jiysis aŋgak, “Nimbik Ebrahim ñapan nuk mindembikip rek, nuk giyɨŋgip rek gipkip. ⁴⁰Yand Gor aŋgip rek, minim niŋind yimb ak nimbip aŋgñimbiyn ak pen, yip ñaŋgning gispim. Ebrahim nuk, nimbik gining gispim kun ak rek ma giyɨŋgip. ⁴¹Kun ak, nap nimbik yimb ak gip rek gispim aŋgak.”

Kun aŋgek aŋgyak, “Chinup waŋ siy diy ma tikyak, Gor nokom mey, Bapiy chin aŋgyak.”

⁴²Kun aŋgey, Jiysis pen aŋgak, “Gor bapiy chin apim ak pen; yand nuk yip mindiy opiyn ak, yenen yip wasemb ma aypim. Gos yand key niŋiy ma winik; nuk nep yip aŋgyokek winik. ⁴³Pen minim yip ak yenen niŋrep ma gipim. Gipim kun ak minim nup ak ma niŋun aŋgiy gipim. ⁴⁴Nap nimbik Seytan ak mey, nuk gos niŋimb ar anep gun aŋgiy niŋbim. Nuk kiñiŋ giy biynimb gok kuyip ñaŋgpikayingip. Miñ ar nuk kun ak mindnep mindip. Gos tep gunap niŋiy mindrep ma gip. Minim tom nep gek gek mey, minim kun ak minim nuk yimb ayip. Nuk biynimb tom gipay gok nop kiyk ak mey, ⁴⁵yand nimbip minim niŋind apiyn ak niŋiy, ma dipim. ⁴⁶Pen yand gipiyn ak timey gipan aŋgiy aŋgnimimb rek ma ayek, yenen minim yip ak ma dipim? ⁴⁷Biynimb Gor ker mindpay gok, minim nup ak dipay. Pen nimb nup ker ma mindpim rek, minim nup ak ma dipim aŋgak.”

Ebrahim Kisen, Yand Nind Aŋgak

⁴⁸Jiwda kay Jiysis nup aŋgyak, “Nand bi Samariya nimb. Nip kichekiy abaŋ ayip aŋgambun ak, niŋind apun rek?”

⁴⁹Aŋgey aŋgak, “Yip kichekiy ma abaŋ ayip. Bapiy nup yimb ak dand aranimbiyn ak pen; nimb yimb yip ak dand apyopim. ⁵⁰Yimb yand ak key dand araniyn aŋgiy ma niŋbiyn; Biyomb biynimb yerer gipay gok niŋrep gip ak, yimb yip ak aranaŋ aŋgiy niŋbim. ⁵¹Nimbip niŋind aspiyn: Biynimb an minim yip ak diy kisen giningamb ak, ma kumningamb, perper nep mindeningamb aŋgak.”

⁵²Jiysis kun aŋgek, nup aŋgyak, “Ebrahim kumek, bi Gor minim aŋgep gunap kunep kumyak ak, yergiy nand pen apan, ‘Minim yip diningambim ak, ma kumningambim apan?’ Kun ak chin niŋbun, niŋind nip kichekiy abaŋ ayip. ⁵³Bapiy chin Ebrahim sek, bi Gor minim aŋgep gunap sek kumyak ak; kiyk bi sikoy, yand biyomb aŋgiy niŋban?”

⁵⁴Aŋgey, Jiysis aŋgak, “Yimb yand key dand araningayn ak tep ma giningamb. Bi yimb yip dand aranimb ak, Bapiy yand. Nimbik nup Bapiy chin apim ak pen; ⁵⁵nup ma niŋbim. Yand mey nup niŋbiyn. Pen nup

ma niñbiyn aḡniḡayn ak, nimb tom gipim rek giniḡayn. Kun ak nup niñbiyn ak mey, minim aḡgip rek dipiyn. ⁵⁶Pen Gor wosrey nap Ebrahim nup, miñiy yand ap mindpiyn biy winiḡamb aḡgek, niñind aḡgip aḡgiy, gos sek mindiy miñmiñ gak ak mey, yand apen nup tep yimb gak aḡgak.”

⁵⁷Kun aḡgek, Jiwda biyomb gok minim nup kun ak niñrep ma giy aḡgyak, “Simiy nak ñin jiwiy omiḡal rek ma mindpan ak pen, yergiy Ebrahim wosrey kondon okok mindyiḡip anup niñnik aḡgiy aspan?”

⁵⁸Aḡgeyak, kuyip aḡgak, “Nimbip niñind aspiyn. Yand bi perper mindep ak mey, yand mindnikniḡ, Ebrahim nup kisen tikyak aḡgak.”

⁵⁹Kun aḡgek, Gor rek mey minim kun ak kun giy apkop aḡgiy, nup kamb jiw pikayniḡ geyak, Gor aḡgniḡep korip miḡan mindek ak siliḡ ay mis amnak.

Bi Windin Koysek Tikyak Bap, Jiysis Gek Suḡ Ayak

9 ¹Pen Jiysis binuk gok yip amyiniḡ, bi windin koysek tikyak bap mindek. ²Bi kun ak niñiy, binuk gok Jiysis nup aḡgyak, “Tiysa! Tap siy tap timey an gek, bi kun biy windin nup ak koy gak? Nuk key akaḡ, nop nonim ger gak?”

³Aḡgeyak, Jiysis aḡgak, “Windin nup koy gak ak, nuk key akaḡ, nop nonim tap siy tap timey ger ma gak. Yand nup gen suḡ ayek, biynimb gok niñiy, Gor Biyomb yimb mindip ak niñyan aḡgiy mey, windin nup kun ak koy gak. ⁴Miñiy melik mindip rek, bi yip yokek winik ak, woḡ nup ak ginjun. Yenen, nimb niñbim; kisyim apek woḡ gep rek ma ayiniḡamb. ⁵Yand mankumb biy mindpiyn rek, biynimb gok melik kiyk ak mindpiyn aḡgak.”

⁶Jiysis minim kun ak aḡgiy, man biyan kiñuk giy, gek wilemb ayek diy, bi windin koy gak anup windin ak wiykiy aḡgak, ⁷“Saylom chemb amiy, jomluk ak ñiḡ ayoknimin aḡgak.” Kun giy aḡgyokek, am ñiḡ ayokiy windin ak niñyiḡ, korip nuk owak.

⁸Pen biynimb korip layn nuk yip jimñiy gok sek, biynimb okok kuyip tap nen asimbi aḡyiḡip gok sek key aḡniḡ aḡniḡ giy aḡgyak, “Bi biy mey, bi biḡing mindyiḡ tap nen asimbi aḡyiḡip ak rek ayip?” ⁹Aḡgey, gunap aḡgyak, “Yaw. Mey bi kun anep aḡgyak.” Gunap pen aḡgyak, “Mer. Bi kun ak rek ayip ak pen, bi biy key aḡgyak.” Kun aḡgey, bi kun ak nuk key aḡgak, “Yand mey bi kun ak nep aḡgak.” ¹⁰Aḡgek, nup aḡgyak, “Windin nip ak yergiy suḡ ayip?” ¹¹Aḡgey aḡgak, “Bi Jiysis apay ak, man biyan kiñuk giy, gek wilemb ayek, diy windin yip ak wiykiy aḡgip, ‘Am Saylom chemb biyan ñiḡ ayoknimin aḡgek,’ am ñiḡ ayokiy day windin yimb niñbiyn aḡgak.” ¹²Aḡgek aḡgyak, “Bi kun ak miñiy akay?” Aḡgey aḡgak, “Ma niñbiyn aḡgak.”

Bi Peresiy Gok Bi Windin Koy Gak Ak Yergiy Suḡ Ayip Aḡgyak

¹³⁻¹⁴Pen Jiysis gek windin niñak kun ak, Jiwda lotiw ñin ak gak ak mey, biynimb gunap bi kun anup dand Peresiy kay mindeyak ak amey, ¹⁵nup

anġyak “Yergiy windin niġban?” Anġey anġak, “Jiysis man ak diy, windin yip ak wiykamb, am windin ak ñiņ ayokiy, windin yimb niġbiyn anġak.”

¹⁶Kun anġek, bi Peresiy gunap anġyak, “Lotiw ñin ak kun gip rek, Gor nup yokamb ma wip anġyak.” Anġeyak, bi kiyk gunap pen anġyak, “Bi tap siy tap timey gep bap mindombikop ak; yergiy tap mageprek kun ak gipkop anġyak.” Kun anġiy kiyk keynep, asik keykey ayak. ¹⁷Bi Peresiy gok, bi kun anup tip anġniņiy anġyak, “Bi windin nip gek niġban kun ak, nup bi yerip anġiy niġban?”

Anġey anġak, “Yand niġbiyn ak, nuk bi Gor minim anġep bap anġak.”

¹⁸Pen Jiwda biyomb gok, Jiysis gek suņ ayak minim ak ma diy, nop nonim kuyip suk anġey aperik ŋgyak, ¹⁹“Ñi biy ñi nirik?” Anġey anġrik, “Yaw! Ñi chir anġrik.” Anġer anġyak, “Nup windin koysek tikrik?” Anġey anġrik, “Yaw! Nup windin koysek tikruk anġrik.” Kun anġer anġyak, “Kun ak yergiy windin yimb niġimb?” ²⁰⁻²³Pen kiyk ber niņrik: Jiwda biyomb kun gok, nind minim kilis ar bap anġiy anġyak, “Biynimb Jiysis nup bi kiyņ yomb key yimb anġiy niņningambay gok, lotiw korip chinup ak ma winingambay anġyak.” Kun ak kiyminay piririkrek, Jiysis gek suņ ayip anġiy ma anġrik, “Ñi ak windin koysek tikruk ak pen, miņiy yergiy windin yimb niġimb ak ma niņbur; nuk ñiskoy mer ak, nup key anġniņem, anġñiningamb anġrik.”

²⁴Kun anġerik, biyomb gok bi kun anup tip ak suk anġey apek anġyak, “Nip suņ ayip kun ak, Gor nup yimb anep dand aranimin. Chin niġbun, bi Jiysis kun ak, bi tap siy tap timey gep anġyak.”

²⁵Kun anġey, kuyip pen anġak, “Nuk bi tap siy tap timey gep bap akan ma niġbiyn; pen nind windin koy mindenik, miņiy niņrep gipiyn ak niġbiyn anġak.”

²⁶Anġek anġyak, “Nip yerer gip? Pen yergiy gamb windin yimb niġban?”

²⁷Anġey anġak, “Nimbip mindarik anġñen niġbim ak pen, yenen tip ak niņun anġiy aspim? Nimbik kunep binuk mindniņg gos niġbim?”

²⁸Kun anġek, nup anġ giy anġyak, “Nand bi kun ak binuk. Pen chin Mosis binuk. ²⁹Gor Mosis nup minim anġñek anġyningip ak niġbun ak pen; bi biy akay nimb wip?”

³⁰Anġeyak anġak, “Ayaw-ey! Nuk windin yip ak gek suņ ayip ak pen; akay nimb anġiy ma niġbim! ³¹Pen chin niġbun; tap siy tap timey giyning, Gor nup anġniņon ma niņningamb; biynimb mindrep gipay gok nep anġniņey, anġningambay rek giningamb. ³²Miñmon alwol gayak ñin ak tikiy, mind dand apiy mindpun ñin biy, biynimb windin koysek tikiyak bap gey suņ ma ayak. ³³Bi kun ak Gor yokek ma opkop ak, biynimb gok gek kun giy suņ ma aypikop anġak.”

³⁴Kun anġek anġyak, “Nanim nip tikak ñin ak, bi tap siy tap timey gep ak tikayak ak pen; chinup minim anġñining gispan?” Kun anġiy, Jiwda nan-gep korip biy tip ma winingamban anġiy, nup anġyokyak.

Jiysis Nup Gosimb Ma Niḡbay Gok Windin Koy Rek Mindpay

³⁵Pen Jiysis bi kun anup angyokyak minim ak niḡiy, am nup piyow niḡiy anḡak, “Nand Bi bap Niḡuk ak nup gosimb niḡban?”

³⁶Anḡek anḡak, “Bi kun ak mey ak anḡey, nup gosimb niḡnim anḡak.”

³⁷Kun anḡek, Jiysis anḡak, “Bi kun ak mindarik niḡban. Mey nand yip minim aspiyr biy anḡak.”

³⁸Kun anḡek, Jiysis mindek kiḡniḡ siḡak koḡgim yimiy anḡak, “Biyomb! Nip gosimb niḡbiyn anḡak.” ³⁹Anḡek, Jiysis anḡak, “Yand opiyn rek, biynimb mankumb biy yerer giy rek mindpay ak niḡningambay. Biynimb mindrep ma gipun apay gok, windin sek rek ayningamb; biynimb mindrep gipun apay gok, windin koy rek ayningamb anḡak.”

⁴⁰Kun anḡek, bi Peresiy maḡ kun siḡak mindeyak gunap, minim kun ak niḡiy angyak, “Kun apan ak, chin kunep windin koy?”

⁴¹Anḡey, Jiysis anḡak, “Nimb windin koy mindpun apkup rek, timey gipim ak, minim yomb yimb ma dipkup. Pen niḡrep gipun anḡiy niḡbim rek, minim yomb yimb ak diniḡgambim anḡak.”

Bi Kanj Siypsiyp Mokep Anḡiy Paydoḡ Ay Anḡak

10 ¹Jiysis minim ar bap paydoḡ ay anḡak, “Nimbip niḡind yimb aspiyn. Bi kinjeḡram yipund giy miḡgan ak mindakniḡ, tam yesek bap talakiy amniḡgambay gok, bi tap siy sinjrimy dipay ak mey kun giniḡgambay. ²Bi siypsiyp mokep ak, wariy miḡgan amniḡg, yesek tam okok talakiy ma amniḡgamb; kinjeḡram yipund giy miḡgan anep amiy, amniḡgamb.

³⁻⁴“Pen bi siypsiyp mokep ak amjakek, bi kinjeḡram kond mindep ak nup niḡrep giniḡgamb rek, kinjeḡ yikniḡgamb. Siypsiyp gok kunep, bi kun ak meḡg miḡgan nup ak niḡningambay rek, kuyip yimb anḡyḡḡ, poḡind mis amiy, nuk nind gakniḡ, kiyk kisen giniḡgambay. ⁵Pen bi yesek bap ap anḡek, meḡg miḡgan nup ak ma niḡningambay rek, pirik amniḡgambay anḡak.” ⁶Jiysis kun giy paydoḡ ay anḡek, minim asap ar ak anḡiy ma tik niḡyak.

Bi Kanj Siypsiyp Mokep Tep Ak

⁷⁻⁹Ma niḡeyak, Jiysis tip ak anḡak, “Nimbip niḡind yimb aspiyn. Yand mey kinjeḡram yipund giy ak. Biynimb kinjeḡram kun ak apiy amniḡgambay gok, bap ma kurginiḡgambay. Amiy apiy giyḡḡ, tap kaskas niḡningambay.

“Pen chin bi kanj siypsiyp mokep anḡiy nind wiyak gok, bi siypsiyp siydep ak mey, kanj siypsiyp gok minim kuyip ak ma niḡyak. ¹⁰Kuyip siy diniḡ, timey giniḡ, pikayniḡ nep wiyak. Yand winik ak, kim mindiy mindrep yimb giniḡgiy anḡiy winik.

11 “Yand bi kanj siypsiyp mokep tep yimb ak. Bi kanj siypsiyp mokep kun ak, ma pirikningamb; kanj siypsiyp kond minden angiy monmon kumningamb. 12-13 Bi wonj maniy nep giying, kanj siypsiyp kond mindeningambay gok, bi kanj siypsiyp mokep yipund giy mer ak mey, siypsiyp gok kuyip gosimb ma niñningambay. Kayn ayndik gok niñiy, pirik ameningambay mey, siypsiyp gok kuyip yuk dam kind keykey yokningambay.

14-15 Bapiy chirapiy penpen niñrep gipur rek; yand siypsiyp gok yip penpen niñrep gipun. Kun ak kuyip angiy kumningayn. 16 Bapiy wonj yip angip rek, siypsiyp yand gok miñmon Jiwda biy nep mer; miñmon okok kunep dingingayn. Pen kiyk minim yip ak niñningambay rek; siypsiyp tiwin nokom bap mindiy, bi mokep kiyk nokom bap nep mindiy giningamb.

17 “Kuyip nen angiy kumiy tikjakningayn rek, Bapiy yip wasemb ayip. 18 Biynimb gunap gos kiyk niñiy gey ma kumningayn; yand key kumiyn angiy kumningayn; tikjakiyn angiy tikjakningayn. Minim kun ak rek Bapiy yip angip angak.”

19 Jiysis minim kun ak kun giy anggek, Jiwda kay tip ak asik pis ak key, pis ak key ay; 20 gunap angyak, “Nup kichekiy amban ayek, minim tom gisap ak, yenen niñsipim angyak?”

21 Pen gunap angyak, “Nup kichekiy amban ayombikop; kun giy ma apkop. Pen kichekiy amban ayek, yergiy biynimb windin koy gok gek, tip ak niñbiyap angyak.”

22 Pen kisen Jiwda biynimb, Gor angniñep korip opyim giyak ñin ak miñiy wip angiy, Jerusalem am nan-giyak. Ñin kun ak, yombip ñin ak mey, 23 Jiysis Gor angniñep korip mis ar “Solomon korip bandak band” angyingipay ak mindakniñ, 24 Jiwda biyomb gok mindek sijak apiy angyak, “Chinup gey pernep ma kond mindenjun; bi kiyñ yomb key yimb mindenimin ak, miseñ anggey niñjun angyak.”

25 Anggey, Jiysis angak, “Nimbip angñimbiyn ak pen, niñind angip angiy ma niñbim. Tap mageprek gipiyn ak niñiy, Gor nep anggek gip angiy niñnimimb ak pen, 26 siypsiyp yand ma mindpim rek, yip gosimb ma niñbim. 27 Kanj siypsiyp yand gok kuyip niñbiyn; kiyk pen menj miñgan yip ak niñiy, yip kindik gipay. 28 Kiyk yip dipay rek, gen perper mindeningambay. Ñin ar yip mindpay ak, biynimb gunap ap kuyip lipiñ dand amniñgiy rek ma mindip. 29 Bapiy bi kilis yimb ak, kuyip di yip ñimb ak mey; biynimb gunap kuyip piliñ dand amniñgiy rek ma mindip. 30 Bapiy key, yand key mer; chirapiy bi nokom yimb angak.”

31 Jiysis kun anggek, Jiwda kay nup tip ak, kamb jiw pikniñg geyak angak, 32 “Bapiy anggek, tap mageprek gunap keykey gipiyn. Pen gipiyn kun ak, ar akay sisker gen niñiy, yip ñang pikayniñg gispim?”

33 Anggek angyak, “Tap mageprek gipan kun gok niñiy, nip ñang pikayniñg ma gispun; Gor nup yimb ak ang sikoy giying, yand nuk rek anggey mey, nip ñang pikayniñg gispun angyak.”

³⁴Kun anjeyak, Jiysis angak, “Baybol buk low per apim ak, ar bap tikiy, biyimb yomb gor rek mindpim angyi tikyak. ³⁵Pen Baybol buk minim bap yesek ma anjningamb ak mey, biyimb yikop wong nup giñiyngipay gok kuyip, gor rek mindpim angyi tikyak ak niñind angyi tikyak. ³⁶Yand mankumb biy opiyn ak, Bapiy yip, wong ginimin angyi yokek opiyn. Pen nimb yerip gos ak niñiy, Gor Ninuk mindpiyn ak nep anjen, Gor nup yimb anj sikoy gisap angyi, yip ñanj pikayning gispim? ³⁷Wong nup ak ma gen, minim yip ak ma dinimimb; pen genim, minim yip ak dinimimb. ³⁸Pen dep rek ma ayek, tap mageprek gipiyn gok niñiy, yand Bapiy yip mindpiyn, nuk yand yip mindip ak; niñningambim angak.”

³⁹Pen tip ak nup chichiy dun anjeyak, nuk kapkap silgiy amnak. ⁴⁰Siling ay amiy, Joden ñing tikiy pis bindoñ amiy, Jon mindiy biyimb ñing pikñiyngip miñmon tiñgoñ okok am mindek. ⁴¹Biyimb kuñaynep, mindek ak apiy angyak, “Jon tap mageprek gunap ma giyngip; pen bi bap nup angyi minim yerip yerip angak ak, niñind yimb angyingip angyak.” ⁴²Kun angyi, kuñaynep Jiysis nup gosimb niñyak.

Lasaras Kumak

11 ¹Bi bap tap gak miñmon Beteniy. Yimb nuk ak Lasaras. Bi kun ak, nunay nuk omiñal mindyngipiyr. Bap Mariya, bap Mata. ²Mariya mey, biy Jiysis nup tomb kind ak wel songñiy, jun kas nuk wiykyokak ak. ³Lasaras nup kun giy tap gek, nunay omiñal Jiysis nup minim piñiy yokiy angrik, “Biyomb! Bungi nak anup, tap yomb yimb gip angrik.”

⁴Pen Jiysis minim angyokrik kun ak niñiy angak, “Nup tap gip kun ak pisnep kumnimuj angyi ma gip. Pen Bapiy nuk key niñimb rek gek, biyimb gok yimb nup ak sek, Ninuk nup yimb ak sek dand aranjngambay angak.”

⁵Jiysis nuk Mata, Mariya, Lasaras kuyipyakam wasemb ayngip ak pen; ⁶minim kun ak niñiy, kasek ma amnak; miñmon mindyngip kun okok minek omiñal sek mindiy, ⁷binuk gok kuyip angak, “Tip ak Jiwdiya amnun angak.” ⁸Kun anjek, binuk gok angyak, “Tiysa. Menikarik namb siñbiy, Jiwdiya biyomb gok nip kamb jiw pikning geyak ak pen; tip ak miñmon kun okok amning gispan?”

⁹Anjeyak angak, “Nimb niñbim: minek nokom bap, tapin mindiy kisyim wip. Kun ak biyimb melik sek giranjngambay gok, melik ak niñying tanjngambay rek, tap gunap tawey pilachakek, ma gindam pikningambay. ¹⁰Pen kisyimken girangiy, melik ma niñningambay rek, tap gunap tawey pilachakek, gindam pikningambay angak.”

¹¹Jiysis kun angyi, minim bap pen angak, “Mam chin Lasaras wisin kinjap ak amiy, nup anjen tikjakningamb angak.”

¹² Angek, binuk gok angyak, “Biyomb. Nuk kinjap apan ak sun ayningamb angyak.” ¹³ Jiysis Lasaras kumimb angyi angak ak pen, kiyk angninyak-en, yikop wisin kinek kun asap angyak. ¹⁴ Binuk gok ma niñey, kuyip misen angyi angak, “Lasaras kumimb. ¹⁵ Pen nuk yip ma minden kumak kun ak, nimbip nen angyi miñmiñ gispiyn. Yenen, nup gen tikjakek, yip Gor Ninuk angyi gosimb niñningambim nen, amnun angak.”

¹⁶ Angek, Tomas yimb nuk bap Didiymas, numam gunap kuyip angak, “Kun ak chin Tiysa yip amiy, mangiysek kumjun angak.”

Jiysis Mariya Ayminay Kuyip Niñak

¹⁷ Pen kiyk Beteniy amjakeyak, Jiysis nup angyak, “Lasaras kumek komnuk ak, ñin omiñal omiñal pandikip angyak.” ¹⁸ Pen miñmon Beteniy kun ak, Jerusalem mañ siñak ak mey, ¹⁹ Lasaras kumek, Jiwda biynimb kuñaynep, ap Mata yip, Mariya yip kuyip simb niñiy aymindeyak. ²⁰ Pen Mata Jiysis asaw angey niñiy, nunay Mariya nup korip ak kirgiy, ²¹ nuk am Jiysis nup niñiy angak, “Biyomb. Biy mindembinap rek, mam yand ak ma kumbikop. ²² Pen yand niñbiyn: miñiy Gor nup angninengamban, angningamban rek giningamb angak.”

²³ Angek, Jiysis angak, “Namam tip ak tikjakningamb angak.” ²⁴ Angek angak, “Yand niñbiyn. Ñin kisen ak apek, tikjakningamb angak.”

²⁵ Angek, nup angak, “Kumiy tikjakpay ak sek, perper mindpay ak sek junj ak mey yand mindpiyn. Biynimb yip gosimb niñbay gok, kumiy pisnep ma kumningambay; ²⁶ yip gosimb niñningambay rek, kim mindiy perper nep mindeningambay. Minim ar kun ak niñban?”

²⁷ Angek, “Yaw. Biyomb! Nip niñbiyn; nand mey Kiyñ yomb key yimb Gor Ninuk mankumb biy winingamb angyingipay anep angak.”

²⁸ Pen Jiysis Mata nup, nanay akay angyi angninek, andkind nunay Mariya mindek ak amiy, nup timund simb tikiy angak, “Tiysa nip akay angyi angnisap angak.” ²⁹ Angek, Mariya minim kun ak niñiy, kasek tikjakiy, nup niñning amnak. ³⁰ Jiysis pen korip ma owak; Mata niñak tip siñak nep mindek. ³¹ Mariya nuk kun giy kasek amek, biynimb nuk yip mindeyak gok angninyak-en, chip kawrumb ar ak amjap angyi, kisen amniyak.

³² Mariya am nup niñiy, mindek ak jun pangiy angak, “Biyomb. Biy mindembinap rek, mam yand ak ma kumbikop angak!”

³³ Pen Mariya sek, Jiwda biynimb nuk yip wiyak gok sek siy angeyak, Jiysis nup miker yimb gek angak, ³⁴ “Nup kombim akay?”

Angek angyak, “Apey am niñun angyak.”

³⁵ Jiysis pen siy niñg tikdam yokek, Jiwda biynimb gok niñiy angyak, ³⁶ “Niñim! Lasaras nup wasemb yimb ayip angyak.”

³⁷ Gunap pen angyak, “Nuk bi windin koy gip gok gek windin yimb niñbay rek; yenen tap nup gak kun ak gek ma sun ayak?”

Lasaras Nup Gek Tikjakak

38-39 Kun anjeyak, Jiysis nup tip ak miker yimb gek, Lasaras nup komyak bindon amiy angak, “Kamb yomb di chip kaw pil giyak ak diyokim angak.”

Angek, bi Lasaras kumak kun ak, nunay Mata angak, “Biyomb. Chip ak kumek komonuk, nin ominal ominal pandikip ak, kuyrimey yimb winingamb angak.”

40 Angek, pen angak, “Nip yerip anjambiyen? Yip gosimb ninmindiy mey, Gor key yimb gek ninningamban apiyn angak.”

41 Kun angek, kamb ak diyoke, Jiysis kuyongiy niniy angak, “Bapiy. Nip per angninen yip ninban ak pen; 42 miñiy angnisipiyn ak, biynimb guniy nak nep yip yokpan ak, ninrep giningiy angyi apiyn angak.”

43 Kun angyi, menj mingan dand araniy angak, “Lasaras. Mis awan angak.” 44 Angek, chech nup pipkomiy dam kaw diyak gok, kun giy mindakniñ, mis owak. Apek, Jiysis angak, “Chech nup jun biyon pipkomyak ak sek, nin tomb okok pipkomyak gok sek wisik yokim angak.” Angek, angak rek giyak.

Jiysis Nup Ñangniñ Gos Niñyak (Mat 26:1-5; Mak 14:1-2; Luk 22:1-2)

45 Jiwda biynimb Mariya nup ninñing wiyak kun gok, kuñaynep rek Jiysis Lasaras nup gek tikjakak ak niniy, Gor nep nup yokek wak angyi niñyak. 46 Pen gunap andkind bi Peresiy gok mindeyak ak amiy, Jiysis gak kun ak angniyak. 47 Anjney, bi Peresiy gok sek, bi Gor nup simbonjep yomb gok sek Jiwda kanjsol miytiyñ ak, ap nan-giy angyak, “Bi kun ak tap mageprek gisap ak, yerginjun? 48 Niñiy kirgon; nuk kun anep gek amek, biynimb manjiysek nup biyomb chin Gor yokek wip anjey, Rom biyomb gok kiyñ kiyk bap key anjaysipay angyi, chinup girimey giy, Gor angninep korip chinup ak girimey giy giningambay angyak.”

49 Pen simiy nokom kun anep, binak Kayapas nup anjayeyak, nuk bi Gor nup simbonjep yomb yimb ak mindek. Nuk miytiyñ namb ak tikjakiy angak, 50 “Nimbip sakiy ayip? Bi nokom bap kumek, chin manjiysek kim amemb rek ayningamb ak, tep yimb angak.”

51 Pen angak kun ak, key ma angak; nuk simiy kun ak bi Gor nup simbonjep yomb yimb mindek ak mey, Gor niniy gek, Jiysis Jiwda biynimb gok kuyip nen kumningamb angyi minim kun ak angak. 52 Pen Jiwda nep mer: Jiysis Gor ñapan nuk miñmon okok manjiysek di jimñiy ay, kiññiy nokom yimb mindeningiy rek ayek, minim kun ak angak.

53 Pen Jiwda biyomb kun gok, nin kun ak tikiy Jiysis nup yerer giy ñangjun angyi, anj amiy apiy giyngipay.

⁵⁴Nup ñangning gey mey, miñmon Jiwdiya mindiy miser ma girangyngip. Binuk gok yip jiw am, dawin Yepriim biynimb kuñay ma mindyngipay gol sijak mindyngipay.

⁵⁵Pen Jiwda ñin yomb Pasopa angyak ak mañman gakniñ, suñ mindonjun angiy, biynimb kuñaynep miñmon siskoy kiyk okok nimb Jerusalem apiy, Gor nup tap gunap pik simbonç ñiyng mindeyak. ⁵⁶Pen ap Gor angniñep korip miñgan ak mindiy, Jiysis nup niñun angiy, pen angniñek pen angniñek giy angyak, “Nimb yerip gos niñbim? Nuk Pasopa ñin biy winiñgamb akan mer angyak.” ⁵⁷Yenen: Bi Gor nup simbonçep yomb gok sek, bi Peresiy gok sek minim kilis bap angiy angyak, “Nimb Jiysis nup niñiy, ap chinup angenimimb, nup am dand winiñgambun angyak.”

Mariya Jiysis Nup Wel Ayñak

(Mat 26:6-13; Mak 14:3-9)

12 ¹Pasopa tap niñning giyak ak, ñin onep kangol anep mindakniñ, Jiysis Lasaras nup gek tikjakak miñmon ak amnak. Miñmon kun ak yimb Beteniy. ²Amek, tap yomb niñun angiy, Lasaras ak, Jiysis ak, biynimb gunap sek pom yomb ar ak bisinç mindyakniñ, Mata keñmançiy gok bilok ñak.

³Nunay Mariya pen, wel kuyrep maniy yomb yimb tawpay bap dapiy, Jiysis tomb ar ak songñiy, jun kas nuk ak diy wiykak. Kun gek, wel kuyrep kun ak, korip miñgan kun ak mañgiysek tawek amek, ⁴Jiwdas Yiskariyot, Jiysis binuk, nup kisen mimung gak ak angak, ⁵“Maniy yomb yimb tawpay wel kun biy rek yokiy, maniy diy, biynimb tap ma mindip gok kuyip ñimbinup ak tep angak.”

⁶Nuk kun angak ak pen, biynimb tap ma mindip gok kuyip ñining ma angak; maniy wand ak dand tangiy, gunap kapkap siy diyngip rek kun angak.

⁷Pen Jiysis angak, “Mariya nup ma ang gan. Wel kun ak yip komniñgambay ñin ak ayñining dayak ak mey, miñiy dap ayñimb. ⁸Pen nimb biynimb yimgeprek gok yip, per mindeniñgambim; yand nimb yip per ma mindeniñgayn angak.”

Lasaras Nup Kapkap Ñangun Angiy Niñyak

⁹Jiysis ap mindip miñmon Beteniy anggey niñiy, Jerusalem biynimb kuñaynep niñning wiyak. Pen nup nep niñning ma wiyak; Lasaras bi Jiysis gek tikjakak anup kunep niñning wiyak. ¹⁰⁻¹¹Pen Lasaras nup gek tikjakak rek, biynimb kuñaynep Jiysis nup gosimb niñeyak, bi Gor nup simbonçep yomb gok, Lasaras nup kunep ñangun angiy gos ak niñyak.

Kiyñ Yomb Key Yimb Chin Ak Angyakniñ Jerusalem Amnak

(Mat 21:1-11; Mak 11:1-11; Luk 19:28-40)

¹²Minek, biynimb Pasopa tap niñning wiyak gok, Jiysis Jerusalem asaw anggey niñiy, ¹³nup am niñun angiy, alband kas tik dand apyng, suk yomb angyng angyak:

“Gor nup yimb ak dand aranjun!
 Binuk, chinup Yisrel biynimb kond mindeningamb ak yokek wip.
 Bi kun biy mey: kiyn chin mindeningamb.
 Gor nup kond mindonimuj angyak.”

14 Jiysis dongiy marip ar bisgiy amnak ak; Baybol buk ak nind tikiy angyak rek nep gak. Minim kun ak tikiy angyak,

15 “Sayon biynimb. Ma piriknimimb. Kiyng nimb ak dongiy marip ar ak bisgiy asaw angyak.”

16 Gak nin kun ak, binuk gok Gor giningamb angak rek nep gisap angyi ma niyyak; pen kisen Jiysis kumiy tikjakek mey, Baybol buk ak tikiy angyak rek giyak kun ak, niñrep yimb giyak.

17 Pen biynimb Jiysis Lasaras nup gek tikjakek niyyak gok, minim kun ak ang amiy apiy gi mindeyak ak mey, 18 biynimb kuñaynep tap mageprek gak kun ak niñiy, Jerusalem kirgiy, nup kinjeñnamb ak niñning amniyak. 19 Pen bi Peresiy gok niñiy, kiyk nep minim angyi angyak, “Niñim! Gi mer niñiy kirpun. Biynimb mankumb biy mañgiysek nup kindik gispay angyak.”

Griyk Biynimb Jiysis Nup Niñning Wiyak

20 Pen Pasopa nin ak asaw angyi, Gor nup simbonngning Jerusalem wiyak nin kun ak, Griyk biynimb gunap sesek wiyak. 21 Biynimb kun gok, bi Piylip miñmon nuk Betsayda Galiyliy propens nimb ak mey, ap nup niñiy angyak, “Bungiy. Chin Jiysis nup niñning aswun angyak.”

22 Kun angey, Piylip am Enjriw nup minim kun ak angñiy, omiñal giy amiy Jiysis nup angñirik. 23 Angñer, Jiysis angak, “Miñiy Bi bap Ninuk nin yomb nuk ak wip ak mey, Nop gek yimb nup dand araningambay. 24 Nimbip niñind yimb aspiyn. Wiyt mañgiy ak man biyañ yapek lum ñey nep, jakiy mañgiy kuñaynep piyningamb. Pen man biyañ ma yowningamb ak, tap bap ma giningamb. 25 Biynimb man ar biy mindrep ginjun angyi nep niñiy gey amningamb gok, mindrep ma giningambay; pen biynimb man ar biy mindrep giningambun akañ, mindrep ma giningambun ak tap yikop angyi niñningambay gok; permindep ak diningambay. 26 Pen biynimb yip direp gining, minim yip ak kindik giningiy. Yip chingiy mey; akay mindeningayn ak, yip nep mindoningambun. Pen Bapiy biynimb yip direp giningambay gok kuyip direp giningamb.

Jiysis Kumningayn Angiy Minim Angak

27 “Miñiy yip miker gisap ak yerip angnim? Bapiy yip miker ñining gispan ak, kirgan angnim? Mer! Kun ma angnim. Miker kun ak dining ownik. 28 Bapiy! Gos nand niñban rek yip gey, yimb nip ak aranimuj angak.”

Kun angakniŋ, minim bap semb biyoŋ nimb angak, “Yand genik yimb yip aranak ak pen; tip ak kunep geningayn araneŋ niŋningambay angak.”

²⁹Pen biynimb mindeyak gok minim kun ak niŋiy, gunap angyak, “Timuk asap angyak,” gunap angyak, “Enjol ak, Jiysis nup minim gunap angip angyak.”

³⁰Kun anggeyak, Jiysis kuyip angak, “Minim kun ak yip niŋaŋ angiy ma angip, nimbip niŋim angiy angip. ³¹Yenen: miŋiy biynimb gok kuyip angiy giningayn rek, Gor kuyip pen giningambay ar ak niŋiy mey, kuyip bilok keykey ayningamb. Miŋiy gen, bi biynimb mankumb biy nimb gok kuyip kond mindip ak, apyap pikningamb. ³²Yip mon kiros bak biyoŋ ŋangbirik ayey, arachak Bapiy ker amen mey, biynimb miŋmon keykey yip gosimb niŋningambay angak.” ³³Pen Jiysis minim angak kun ak, chinup nen angiy kumningamb rek angak.

³⁴Pen biynimb kuŋaynep ap mindeyak kun gok, nup pen angyak, “Low minim buk chin ak tikiy angyak, Jiwda Kiyŋ yomb key yimb ak pernep mindeningamb angayak ak pen, yergiy apan, ‘Bi bap Niŋuk nup mon kiros bak biyoŋ ŋangbirikningambay apan?’ Pen Bi bap Niŋuk apan ak, anup apan?”

³⁵⁻³⁶Anggeyak angak, “Bi meliksek ak, nimb yip yep sikoy won bap nep mindeningamb. Mindip won biy nup chiŋgiy mey, melik pis ak mindiy, akay amjipun angiy niŋrep giningambim. Mer ak, kisyim ap nimbip yiwiŋg dek, piŋiy aran apyan gi mindeningambim. Kun ak, bi meliksek ak nup mindip won biy chiŋgiy, biynimb meliksek gok mindenimimb angak.”

Jiwda Biynimb Jiysis Nup Ma Gos Niŋyak

Jiysis minim kun ak angiy, nup miluk niŋyak rek, yip ma niŋyaŋ angiy am wikan bap key weyiŋg mindek. ³⁷Tap mageprek gok windin yirik ar kuyip ak gek niŋyiŋgipay ak pen; nup gosimb ma niŋyak. ³⁸Giyak kun ak, bi Gor minim anggep Asaya Baybol buk tikiy angak rek nep giyak. Minim kun ak tikiy angak:

“Biyomb. Minim nip kuyip angŋimbun ak ma dipay. Pen nand gipan ar ak niŋiy, nip gosimb ma niŋbay angak.”

³⁹Pen nup gosimb ma niŋyak kun ak, Asaya minim ar bap tikak rek giyak. Tikiy angak:

⁴⁰“Gor Yisrel biynimb gok kuyip gek, windin koy rek mindey, kuyip gos timund teprep ak ma niŋingamb. Yenen: nuk angak, kuyip gen windin ma niŋiy, gos timund teprep ak ma niŋiy, nup ker amon chinup suŋ ayningamb angiy, yip ker ma winiŋgambay angak.”

⁴¹Asaya wosrey minim angiy tikak kun ak, Jiwda Kiyŋ yomb key yimb ak bi teprep mindip rek ak day niŋiy tikak.

⁴²Pen maŋgiysek Krays nup ma kirgiyak. Bi yomb yomb gunap sek nup gosimb niŋyak ak pen; bi Peresiy gok chinup pisnep angyokey, kisen

nan-gep korip ak ma amningambun angiy, nup gosimb niñyak ak pen, biynimb gok kuyip miseñ ma angñiyak. ⁴³Giyak kun ak; Gor niñek tep ginimuj ar ak kirgiy, biynimb gok yimb chinup dand araniyañ angiy giyak.

Jiysis Angip Ar Ak Ma Diy Kor Niñningambay

⁴⁴Pen Jiysis meñg miñgan dand araniy angak, “Biynimb an yip gosimb niñningamb ak, yip nep mer; Bi yip angyokek winik ak nup kunep gosimb niñningamb. ⁴⁵Yip niñiy mey, Bi yip angyokek winik ak nup kunep niñbay. ⁴⁶Yand biynimb mankumb biy, melik kiyk ak opiyn. Biynimb yip ker opay gok, kisyimnamb okok ma mindeningambay.

⁴⁷Yand winik ak biynimb okok kuyip kor gining ma winik; di Bapiy yip jimñiy aying winik. Biynimb minim yip niñiy ma dingingambay gok, kuyip kor ma giningayn. ⁴⁸Pen biynimb minim yip kirgiy, yip ma dipay gok ñin yomb kisen ak apek, Bapiy minim angñimbiyn ar ak diy, kuyip kor giningamb. ⁴⁹⁻⁵⁰Yenen: minim apiyn gok, key niñiy ma apiyn; Bapiy minim nup ak niñey, nuk gek perper mindeningiy angiy, minim nup ak diy apiyn angak.”

Jiysis Binuk Gok Tomb Kuyip Wasyim Gak

13 ¹Ñin yomb Pasopa ak toy rek mindakniñ, miñiy rek ak siypsiyp ñiluk ma niñyak won ak, Jiysis niñak: Nop nup mankumb biy angayak ñin ak pandikek, andkind Nop ker amemb ñin ak owak. Pen biynimb nuk man ar biy wasemb yimb ayingip gok, wasemb aying nep mind mind, nup ñang ayei kumiy Nop ker amnak. ²Seytan pen, Saymon ñinuk Jiwdas Yiskariyot nup gos ñek, Jiysis nup yergiy di biyomb gok kuyip ñiningayn angiy, gos ak nind nep niñek; kisen mey tap niñning bisgiyak. ³Gor tap yerip yerip okok mañgiysek di Ñinuk nup ñin ar ak ayak ak mey, kumiy andkind Nop ker amning gak rek niñiy, ⁴tikjak chech paryomb nuk ak tungasikiy, tawil ak simbnang rek pongay, ⁵ñing ak diys miñgan ak pañgiy, binuk gok kuyip tomb ñing ay yokying, tawil pangak kun ak wiykying gak.

⁶Kun gi dap dap, Saymon Piyta tomb nup ak ñing ay yokiyn angak angak, “Biyomb. Tomb yip ak ñing ay yokning gispan?”

⁷Angak, Jiysis angak, “Miñiy gispiyn ak ma niñban ak pen, mindiy niñningamban angak.”

⁸Angak, Piyta angak, “Biyomb! Tomb yip ak ñing ma ay yokningamban. Mer yimb angak.”

Angak, Jiysis angak, “Tomb nip ma ñing ay yokningayn ak; bi yand yimb ma mindeningamban angak.”

⁹Angak, Saymon Piyta angak, “Biyomb! Tomb yip anep ma ñing ay yokninin; ñin kind gok sek, jun ak sek ñing pikñininin angak.”

10-11 Kun anggak ak pen, Jiysis anggak, “Biynimb gok ñiņg pikyokey, mumbwak okok mangiysek tep mindip ak pen; kinjeņ giranġey tomb kind ak gach gip rek, tomb kind anep ñiņg ay yokpay anggak.” Pen Jiysis bi nup mimuņg giniņg gak ak niņak ak mey anggak, “Nimb gunap gach ma mindip; nokom bap nep gach sek mindip anggak.”

12 Pen tomb kuyip ak ñiņg ay yokdiy, chech tuņgasik ayak ak ay, am bisgiy anggak, “Nimbip tomb ñiņg ay yokpiyn minim kiñiņ ak, niņbim akan? 13 Yip Tiysa anggiy, Biyomb anggiy gipim ak, niņind apim. 14 Kun ak yand Biyomb mindiy, tomb nimbip ñiņg ay yokpiyn ak, nimb namam gunap kuyip tomb ak ñiņg ay yoknimimb. 15-16 Nimbip niņind yimb aspiyn: biyomb kond mindep gok sikoy, biynimb woņg kuyip giñimbay gok yomb ma mindpay. Pen bi minim yokpay gok sikoy, biynimb minim kuyip dand ambay gok yomb ma mindpay. Kun ak yand Biyomb nimb mindiy, monmon woņg giñimbiyn rek, nimb kunep ginimimb. 17 Miñ tep ar kun ak angñambiyn niņbim ak mey; ar kun ak gem amek tep giniņgamb.

18 “Pen nimbip dipiyn gok, niņrep gipiyn ak mey, maņgiysek gek tep giniņgamb anggiy ma aspiyn. Bi bap yip mimuņg giniņg gisap ak, Baybol buk ak tikiy angyak rek nep giniņgamb. Minim kun ak tikiy angyak, ‘Bi yand yip tap jimñiy ñimbur ak, tuņgandikiy yip timey gisap angyak.’ 19 Nimbip nind kun giy aspiyn ak mey, kisen gek, Biyomb anggak rek nep gisap anggiy, yand Biyomb yerip rek mindpiyn ak niņiy, yip gosimb niņniņgambim.

20 “Pen nimbip niņind yimb aspiyn: biynimb yand gunap anggyoken amey, biynimb kuyip dipay gok, kuyip nep mer; yip sek dipay. Pen yip dipay gok, yip nep mer; Bi yip yokek winik anup sek dipay anggak.”

Jon Jiysis Nup, An Nip Mimuņg Giniņgamb Anggiy Angniņak

(Mat 26:20-25; Mak 14:17-21; Luk 22:21-23)

21 Jiysis minim kun ak angek, nup miker yimb gek anggak, “Nimbip niņind yimb aspiyn: nimb bap yip mimuņg gem ñangniņgambay anggak.”

22 Kun angek, binuk gok an nup asap anggiy, gos par ayiņg penpen niņyak. 23 Pen Jiysis binuk wasemb yimb ayiņgip ak, kiñiņ siņak bisiņg mindek ak mey, 24 Saymon Piyta bi kun anup ñin anep yomiy anggak, “An nup asap ak angniņan anggak.”

25 Angkek, Jiysis mindek siņak bibeņind amiy anggak, “Biyomb! Bi kun ak an nup apan?”

26 Angkek anggak, “Bi biret ak diy, ñiņg sup biyaņ tawiy ñiniņgayn anep anggak.” Kun anggiy biret ak diy, di ñiņg sup biyaņ tawiy, di Saymon ñinuk Jiwdas Yiskariyot nup ñek ñiņak. 27 Seytan pen won kun anep, ap Jiwdas nup molik sikakniņ, Jiysis nup anggak, “Giniņg gispan ak, kasek gan anggak.” 28-30 Angkek, Jiwdas mis amnakniņ, day kisyim owak. Pen binuk

gunap, Jiwdas nup yenen kun asap angyi ma niŋyak. Kiyk angyiŋyak-eŋ, nuk maniy wand kond mindip rek, Pasopa tap niŋningambun gok tawan angyi akan; biynimb tap ma mindip gok kuyip, maniy gunap ŋaŋ angyi asap angyak.

Low Kisenimb Ak

³¹ Jiwdas kun giy mis amnakniŋ, Jiysis angak, “Miŋiy bi bap Niŋuk, Nop angyip rek geniŋgamb mey, Nop gek yimb nup araniŋgamb. ³² Pen Niŋuk yimb ak araniŋgamb rek, Nop yimb ak kunep araniŋgamb ak mey, miŋiy ŋin biy nep Nop gek, Niŋuk nup yimb ak araniŋgamb.

³³ “Niŋapan yand guniy! Nimb yip tapin ma mindeniŋayn. Amen, yip piyow mer niŋningambim. Jiwdas kay kuyip apiyn rek, nimbip kunep aspiyn. Yand amjiapiyn ar ak, kisen amnimimb rek ma ayniŋgamb.

³⁴ “Pen miŋiy nimbip low kisenimb bap angyiŋgamb gispiyn. Low kisenimb kun ak mey, nimb key penpen wasemb aynimimb. Yand nimbip wasemb aypiy rek, nimb kunep penpen wasemb aynimimb. ³⁵ Kun geniŋgambim, biynimb gok yip ker mindipim ak niŋrep giniŋgambay angak.”

Jiysis Piyta Nup, Bi Kun Ak Ma Niŋbiyn Angyiŋgamban Angak (*Mat 26:31-35; Mak 14:27-31; Luk 22:31-34*)

³⁶ Kun angek, Saymon Piyta angak, “Biyomb. Nand akay amniŋ gispan?”

Angek, Jiysis angak, “Yand amjiapiyn okok miŋiy yip kindik ginimin rek ma ayip. Pen kisen mey, yip kindik giniŋgamban angak.”

³⁷ Angek, Piyta angak, “Yenen nip miŋiy kindik ma giniŋgambay? Nip kondan yip niŋgambay ak, minim ma mindip angak.”

³⁸ Angek, Jiysis pen angak, “Nand yip nen kumiyn angyi gos nokom niŋban? Nip niŋind yimb aspiyn; kakaruk kisen suk angyiŋgamb; nind nep, yand nup ma niŋbiyn angyi, won omiŋal nokom angyiŋgamban angak.”

Jiysis Mey, Kinjeŋram Gor Ker Amemb Ak

14 ¹ Pen Jiysis angak, “Gos yomb ma niŋnimimb. Bapiy nup gosimb niŋiy, yip gosimb niŋiy ginimimb. ² Bapiy korip nuk ak, tip kuŋaynep mindip. Yand amiy, tip nimbip wikan gunap gayrep geniŋgambay. Pen tip kuŋay ma mindimbikop ak, nimbip ma apnip. ³ Yand am tip nimbip ak gayrep giy mey, apiy nimbip poŋind amniŋgambay. ⁴ Amniŋ gispiyn kinjeŋ ar ak nimb niŋbim angak.”

⁵ Jiysis kun angek, Tomas angak, “Biyomb! Akay amjipan? Chin ma niŋbun. Kun ak yergiy, kinjeŋ amniŋgamban ar kun ak niŋiy amniŋgambun angak.”

⁶ Aṅgek aṅgak, “Yand nep mey, kinjeṅram ak; yand nep mey minim yipul yimb ak, yand nep mey, gen biynimb perper mindeniṅgambay. ⁷ Yip niṅrep giy mey, Bapiy nup kunep niṅrep gipkip. Pen maṅ mindip, yip niṅrep giniṅgambim rek, nup kunep niṅrep giniṅgambim aṅgak.”

⁸ Kun aṅgek, Piyliyp aṅgak, “Biyomb! Nap nup chinup yomniṅgamban ak, tep aṅgak.”

⁹ Aṅgek, Jiysis aṅgak, “Piyliyp. Nimb yip per mindpiyn ak pen, yip ma niṅiy kun aspan? Biynimb yip niṅbay gok, Bapiy nup niṅbay. Kun ak yergiy aspan, ‘Bapiy nup chinup yomey niṅjun aspan?’ ¹⁰ Yand Bapiy yip mindpiyn; nuk yand yip mindip. Kun ak yenen, Nop yip apiymiṅay giy mindpiyr aṅgiy gos ak ma niṅban? Minim nimbip apiyn gok, yand keynep ma apiyn; Bapiy yip apur. Pen tap yerip yerip gipiyn gok, keynep ma gipiyn; Bapiy yip nep gipur. ¹¹ Kun ak yand Bapiy yip mindpiyn; nuk yand yip mindip minim ak, niṅind aṅgiy niṅnimimb. Pen gos kun ak niṅep rek ma ayek, yerip yerip gipiyn gok niṅiy, Nop yip mindiy mey, kun gip aṅgiy gos ak niṅnimimb.

¹² “Nimbip niṅind yimb aspiyn: Biynimb yip gosimb niṅniṅgambay gok, yand gipiyn rek giniṅgambay. Pen Bapiy ker amniṅgayn rek, nimb biy mindiy key yimb giniṅgambim. ¹³ Jiysis mindip rek nip aṅgniṅsipun aṅgiy, Bapiy nup aṅgniṅeniṅgambim, yand yimb nup aranaṅ aṅgiy, aṅgniṅgambim rek giniṅgayn. ¹⁴ Kun ak yimb yip ak diy aṅgniṅem, aṅgniṅgambim rek giniṅgayn.

Nimbip Gor Kawnan Ak Yokniṅgayn Aṅgak

¹⁵ “Yip wasemb ay mey, minim yip ak kindik giniṅgambim. ¹⁶ Yand Bapiy nup aṅgniṅem, bi Noman nuk ak yokek apiy, nimb yip perper mindeniṅgamb. ¹⁷ Bi Noman kun ak mey, Gor Kawnan minim yipul yimb aṅgip ak nep. Biynimb yikop Gor ker ma mindpay gok, bi kun mey ak aṅgiy ma niṅbay; windin kunep ma niṅbay; aṅgniṅey kuyip bak aynimuṅ rek ma ayip. Pen nuk nimb yip mindiy, kisen pisnep bak ay mindeniṅgamb ak; nup niṅbim. ¹⁸ Kun ak nimbip pisnep kiring amen, biynimb yimgeprek ma mindeniṅgambim. ¹⁹ Biynimb yikop Gor ker ma mindpay gok, yip yep won bap nep niṅiy, kisen ma niṅniṅgambay. Pen yand bi kim mindep ak, kim mindeniṅgayn rek; nimb kunep kim mindiy, yip niṅniṅgambim. ²⁰ Nin kun ak, yand Bapiy yip mindpur ak niṅrep giniṅgambim. Nimb yand yip mindpim, yand nimb yip mindpiyn ak; kunep niṅrep giniṅgambim. ²¹ Nimb biynimb minim yip niṅiy dipim gok, yip wasemb ay mey minim yip dipim. Pen yip wasemb aypim rek, Bapiy nimbip kunep wasemb ayip. Yand pen nimbip wasemb aypiyn rek, nimbip Gor Kawnan ak yoken, yip niṅrep giniṅgambim aṅgak.”

²² Jiysis kun aṅgek, Jiwdas nup mimuṅgak ak mer: Jiwdas bap nup aṅgak, “Biyomb! Yergiy chin nip niṅrep giniṅgambun: pen biynimb yikop gok nip ma niṅniṅgambay?”

²³ Angek angak, “Biynimb yip wasemb aypay gok, minim apiyn ak niņdipay. Kun giy niņdey mey, Bapiy chirapiy kuyip wasemb ay, ap kiy yip mindiy, kond mindpur. ²⁴ Biynimb yip wasemb ma aypay gok, apiyn rek ma gipay. Minim yip ma dipay kun ak, minim yand mer; Bi yip angyokek winik ak, minim nup ak ma dipay.

²⁵ “Nimb yip mindpiyn ñin biy, minim kun biy angnĩspiyn. ²⁶ Amen; Bapiy nuk pen, bi Noman nimbip apiyn ak yokeniņgamb mey, nuk apiy nimbip kond mindakniņ, minim apiyn gok gos niņyiņg nep mindiy, niņrep yimb giniņgambim. ²⁷ Amjiapiyn rek, nimbip aspiyn: Gor nimbip kond mindeņ. Minim kun ak biynimb yikop gok monmon apay rek ma aspiyn; Gor nimbip kond mindakniņ, kapkap mindrep giy, gos yomb ma niņnimimb angyi aspiyn. Kun ak ma piriknimimb.

²⁸ “Yand amiy andkind winiņgayn apiyn ak niņiy, yenen simb gakniņ mindpim. Am Nop yip mindniņg gisap angyi, miñmiñ giyiņg nep mindembikip. ²⁹ Kun ak nup ker ma ambiyn ñin biy, nimbip aspiyn ak mey, kisen ameniņgayn, gos okok ma piyow niņniņgambim; yip Gor Ñinuk yimb angyi; niņrep yimb giniņgambim. ³⁰ Bi biynimb yikop gok kuyip kond mindip ak miñiy asaw ak mey, minim paryomb angnim rek ma ayip. ³¹ Pen bi biynimb yikop gok kond mindip kun ak, kilis nuk ma mindip. Yand Bapiy angyip rek giniņgayn ak mey; Bapiy nup wasemb aypayn ak niņrep giniņgambay. Kun ak apem amnun.

Miñ Wayn Ak Sek Piñ Alik Gok Sek

15 ¹ “Yand mey miñ wayn junj ak; Bapiy mey bi wongday nop nimb ak. ² Alik maņgiy ma piyip gok, Bapiy nuk timbsak yokip. Pen alik piyrep gip gok, kuņaynep piynimuņ angyi timbrik tep gek, kuņaynep piyip.

³ “Nimbip minim tep angnen niņbim rek, suņrep mindpim ak mey, ma timbsak yokniņgamb. ⁴⁻⁶ Pen alik kind gok, junj ak sek jimñiy mindiy nep maņgiy piyningamb; key mindiy maņgiy ma piyningamb.

“Yand mey miñ wayn junj ak; nimb mey piñ alik gok. Kun ak an yip yimñiy mindeniņgamb ak, maņgiy kuņay yimb piyningamb; pen an yip yimñiy ma mindeniņgamb ak, mon alik timbsak yokey milip giyapek, di mon danγιypay rek ak mindeniņgamb. ⁷ Pen minim apiyn gok niņyiņg, yip chiņgiy nep mindem mey; minim yerip angnĩniņgambim ak; angnĩniņgambim rek giniņgayn. ⁸ Nimb mindrep yimb giniņgambim rek, biynimb yand mindpim ak niņiy, Bapiy nup yimb ak dand araniņgambay.

⁹ “Bapiy yip wasemb yimb ayip rek, nimbip pen kunep wasemb yimb aypayn. Kun ak, penpen wasemb ayiņg mindenimimb. ¹⁰ Yand Bapiy nup minim ak kindik gen, yip wasemb ayiņg nep mindip; kun ak minim yip ak kindik giniņgambim rek; nimbip wasemb ayiņg nep mindeniņgayn.

¹¹ “Pen minim aspiyn gok niņiy mindrep gem mey, yip tep yimb giniņgamb rek, nimbip kunep giniņgamb. ¹²⁻¹³ Pen minim bap aspiyn ak:

nimbip wasemb yimb ayiŋg, nimbip aŋgiy kumningayn rek; nimb key kunep penpen wasemb ayiŋg mindenimimb. ¹⁴Apiyn ar ak giniŋgambim rek, buŋgiy yand yimb gok mindeniŋgambim. ¹⁵Miñiy tikiy, nimbip bi woŋg giñemb ma aŋgningayn; buŋgiy woŋg along yand gok aŋgningayn. Bi woŋg giñemb gok, kond mindep kiyk ak gisap ar ak, giniŋgamb ar ak aŋgiy, ma niŋbay; pen Bapiy minim yerip yerip yip aŋgñimb gok, nimbip aŋgñimbiyn ak mey, buŋgiy woŋg along yand mindpim. ¹⁶Nimb yip dun aŋgiy ma dipik, gos yand key niŋiy, maŋgiy piy perper mindeniŋgamb ak piyningiy aŋgiy, nimbip diy, woŋg ar kun ak yoknik. Kun ak nimb maŋgiy tep gok piyiŋg, Bapiy nup Jiysis biynimb nuk mindpun aŋgiy aŋgningeniŋgambim, aŋgningambim rek giniŋgamb.

¹⁷“Kun ak nimbip aspiyn: penpen wasemb ayiŋg mindenimimb.

Biynimb Yikop Gok Jiysis Biynimb Nup Gok Kuyip Miluk Niŋningambay

¹⁸“Pen biynimb yikop gok nimbip miluk niŋey, gos yomb kun ak ma niŋnimimb; Jiysis nup miluk niŋyak rek nep chinup gispay aŋgiy niŋnimimb. ¹⁹Pen miñ ar kiyk ak gembikip, biynimb chin aŋgiy, di wasemb aypiyap. Wosrey nimbip ma dinik ñin ak, miñ ar kun ak gi mindyŋgipim ak pen, nimbip key niŋiy denik, yip ker mindem, nimbip miluk niŋbay. ²⁰Pen niŋbim! Nimbip aŋgnik, ‘Bi kond mindep gok sikoy, biynimb kuyip woŋg giñimbay gok yomb ma mindpay aŋgnik.’ Kun ak yip timey giy, nimbip kunep giniŋgambay. Pen minim yip gok diy rek, minim nimbip gok kunep diniŋgiy. ²¹Nimbip monmon giniŋgambay kun ak, biynimb yand mindpim rek kun giniŋgambay. Bi yip yokek winik anup, ma dipay rek kun giniŋgambay.

²²“Pen yand ap kuyip minim tep ma aŋgñembiniy, tap siy tap timey gipay ak, minim yomb yimb ak ma dipiyap. Pen ap kuyip aŋgñirep gen, yip ma dipay ak; minim gunap aŋgiy kim amniŋgiy rek ma ayningamb. ²³⁻²⁴Miker yomb kun ak rek ma dipiyap ak pen; ap tap mageprek gok gen niŋiy yip kirpay ak, miker yomb yimb ak diniŋgambay.

“Pen yip miluk niŋbay ak, yip nep mer; Bapiy nup kunep miluk niŋbay.

²⁵“Gipay kun ak, Depiyt tikiy aŋgak rek nep gipay. Nuk Jiwda kay low chin, low chin apay buk ak tikiy aŋgak, ‘Minim junj mindek mer: yip yikop nep miluk niŋbay aŋgak.’

²⁶“Pen yand am Bapiy nup aŋgen, bi Noman apiyn ak nup yokek, ap nimbip kond mindeniŋgamb. Noman minim niŋind nep aŋgip kun ak, yand bi yerip rek ak, nimbip gos ñek niŋningambim. ²⁷Pen nimb kiñiy giy yand yip nep mindpun ak, nimb kunep biynimb gok kuyip, yip bi yerip rek ak aŋgiy aŋgñiniŋgambim.

16 ¹“Nimbip minim kun giy apiyn ak niŋrep giy mey, kisen yergek, yip ma kirgiy, ma apyap pikniŋgambim aŋgiy apiyn. ²⁻³Yenen: nimbip Jiwda nan-gep korip gok aŋg mis yokiy, tip ma winimimb

anġningambay. Kun anep mer; kisen Bapiy chirupapiy ma niġbay rek, gos yesek ar gok niġiy, Gor nup tep ginimuġ anġiy, nimbip pikayniġ nep gi mindeniġambay. ⁴Pen nimbip nind anġniſpiyn ak mey, kisen yergek niġiy, anġak rek nep gisap anġningambim.

Gor Kawnan Winiġamb Anġak

⁵“Pen nimb yip nep mindyngipiyn rek, minim kun ak ma anġnik; ⁵miñiy bi yip yokek winik ak ker andkind amġipiyn rek, nimbip aspiyn. Pen nimb bap, akay amġipan anġiy, ma anġniſipim. ⁶Amġipiyn anġen niġiy, mindmanġiy nimbip ak piñiyñiy nep ayek, minim ma aspiim.

⁷Pen amġipiyn ak, tep yimb amġipiyn. Yand amen nep mey, bi Noman nimbip kond mindeniġamb ak winiġamb. ⁸Nuk apiy mey, biynimb yikop gok kuyip gos ñek, gach sek mindpay ak niġiy, yergiy suġ-tep mindeniġambay ak niġiy, Gor niġek minim yomb mindip kiñiġ ak niġiy giniġambay. ⁹Kun ak yip gosimb ma niġbay rek, bi Noman kun ak, kuyip gach sek mindpim anġningamb. ¹⁰Yand kumiy tikġakiy am Bapiy yip mindeniġayn rek, kuyip anġningamb, ‘Biynimb suġ-tep mindniġ, biynimb suġ-tep nuk mindeniġambim anġningamb.’ ¹¹Pen bi timey biynimb yikop gok kuyip kond mindip ak nup, talak miġġan ayniſsiſpiyn rek, kunep anġningamb.

¹²“Minim yand kuñaynep mindip ak pen; minim kun gok miñiy anġen, niġdinimimb rek ma ayip. ¹³⁻¹⁴Pen Gor Kawnan niġind nep anġip ak apiy, minim nuk key gunap diy ma gos ñiniġamb; Gor anġningamb minim anep gos ñiyiġ; nimbip kisen giniġamb minim ak gos ñek niġningambim. Nuk minim yipul yimb ak, nimbip gos ñek niġiy mindrep gem, yimb yip araniġamb. ¹⁵Pen Bapiy key, yand key mer; minim chirapiy ak ar nokom yimb mindip ak mey, Gor Kawnan nuk ak nimbip gos ñek, minim yipul yimb yip ak niġningambim.

¹⁶“Yep won bap mindip, yip ma yimb niġningambim; pen kisen yep won bap mindiy, tip ak niġningambim anġak.”

¹⁷⁻¹⁸Jiſis kun anġek, binuk gok kiyk keynep anġyak, “Sikoy won bap mindiy, Bapiy ker amniġayn; pen sikoy won bap mindiy, yip tip ak niġningambim anġip minim ak yerip?”

¹⁹Kun anġiy, Jiſis nup anġniġniġ geyak, nuk key niġiy anġak, “Yep won ak yip ma niġningambim; pen yep won bap mindiy, yip tip ak niġningambim apiyn ak niġiy mey, penpen anġniſipim? ²⁰Nimbip niġind yimb aspiyn: biynimb yikop gok miñmiñ giniġambay; pen nimbip simb gek, siy anġ mindiy, tip ak tep ġakniġ mindeniġambim. ²¹Biyn gok ñapan ñiġakniġ, gos yomb niġbay ak pen; won ak tikey, kuyip tep yimb ġip. ²²Nimb biyn ñapan ñiġakniġ, ġipay kun ak rek gi mindpim ak pen; yip tip ak niġem nimbip key yimb tep gek, biynimb gunap gey, miñ kun ak puġġriknimuġ rek ma ayniġamb.

²³“Nimbip niñind yimb aspiyn: ñin kun ak yip ma aᅇgniᅇniᅇgambim. Miker nimbip gunap mindonimuᅇ, Bapiy nup Jiysis mindip rek, nip aᅇgniᅇsipun aᅇgiy, aᅇgniᅇniᅇgambim aᅇgniᅇgambim rek giniᅇgamb. ²⁴Nind kun ak rek ma gipik ak pen, miᅇniy Jiysis mindip rek, nip aᅇgniᅇsipun aᅇgiy aᅇgniᅇnem, aᅇgniᅇniᅇgambim rek gek, nimbip tep yimb giniᅇgamb.

²⁵“Bapiy minim nup ar ak aᅇgniᅇᅇ, per minim paydoᅇ ay apiyn ak pen; miᅇniy tikiy minim kun ak rek ma aᅇgniᅇᅇayn; miseᅇj nep aᅇgniᅇᅇayn.

²⁶Ñin kun ak apek, Bapiy nup Jiysis mindip rek, nip aᅇgniᅇsipun aᅇgiy aᅇgniᅇniᅇgambim, aᅇgniᅇgambim rek giniᅇgamb. Pen minim apiyn kun ak yip aᅇgniᅇnem, yand pen nup aᅇgniᅇniᅇᅇayn aᅇgiy, ma aspiyn. ²⁷Bapiy nep yip yokek winik ak niᅇiy, yip gosimb niᅇbim ak mey, nuk key nimbip wasemb ayip. ²⁸Bapiy nep yip yokek, man ar biy winik ak mey, miᅇniy tip ak nuk ker amᅇpiyn aᅇgak.”

²⁹Jiysis kun aᅇgek, binuk gok aᅇᅇyak, “Miᅇniy minim bak okok ay ma aspan; miseᅇj yimb aspan ak mey, ³⁰chin niᅇbun: nand minim okok maᅇᅇiysek niᅇban. Biynimb gunap minim aᅇgniᅇᅇer kiyk mindek, nip ma aᅇgniᅇbay won ak, key niᅇiy kuyip aᅇᅇnimban. Gipan kun ak chin niᅇbun: nand Gor yip mindiy winak aᅇᅇyak.”

³¹Kun aᅇᅇyak, Jiysis aᅇgak, “Kun ak miᅇniy niᅇᅇrep gipim? ³²Niᅇim! Yep maᅇ mindip, yip kirgiy keykey amem, key asiᅇ mindeniᅇᅇayn. Pen key asiᅇ ma mindeniᅇᅇayn; Bapiy yip mindpur rek mindoniᅇgambur.

³³“Pen yand yip jimᅇniy mindiy, gos yomb ma niᅇnimimb aᅇgiy, nimbip minim aᅇᅇnimbiyn. Lum ar biy mindiy, nimbip miker giniᅇgamb ak pen; gos sek mindeniᅇimimb. Tap yerip yerip nimbip ginimuᅇ rek gok, maᅇᅇiysek di talak miᅇᅇan yand ak ayniᅇᅇsiᅇpiyn aᅇgak.”

Jiysis Nop Nup Aᅇgniᅇᅇak

17 ¹Jiysis minim kun ak aᅇᅇjiwiᅇ, kuyoniᅇᅇiy niᅇiy aᅇgak, “Bapiy. Ñin yip aᅇᅇaynak ak miᅇniy wip. Kun ak yip aᅇᅇnak rek gey, Biyomb minden, yimb nip ak aranimuᅇ. ²Yip key aᅇᅇnak rek, biynimb okok maᅇᅇiysek niᅇmindiy, biynimb yip aᅇᅇaynak gok kuyip den perper mindeniᅇᅇgambay. ³Tap gunap aᅇgniᅇbay gok aᅇgniᅇiy akaᅇ; ar gunap key giᅇ perper ma mindeniᅇᅇgambay; nand Gor mindpan ak niᅇiy, yip yoknak ak niᅇiy mey, kuyip dor perper mindeniᅇᅇgambay.

⁴“Yimb nip aranimuᅇ aᅇᅇiy yip woᅇᅇ aᅇᅇnak ak; gi dand amiᅇ gi diniᅇᅇ gispiyn. ⁵Miᅇniy gey kumen, miᅇmon ma gayruk ñin ak, omiᅇᅇal giᅇ Biyomb tep meliksek mindoruk rek mindonjur.

⁶Biynimb nip gosimb ma niᅇᅇyak yip aᅇᅇnak gok, miᅇniy yip ker mindpay. Nak ker mindembiᅇap ak pen, yip aᅇᅇnak mey, yip ker mindpay. Kuyip nand bi yerip rek ak aᅇᅇiy, aᅇᅇniᅇrep gen, nip gosimb niᅇiy, minim nip ak diᅇ kisen gipay. ⁷Pen yerer gipiyn ak, keynep ma gipiyn; yip gos ñimban ar ak

nep gipiyn ak niŋbay. ⁸Minim aŋgnimin aŋgnak gok, kuyip aŋgñen niŋbay ak mey; nand nep yip aŋgyokenak winik ak, kunep niŋrep yimb gipay.

⁹“Biynimb yip aŋgnak kun gok, biynimb nand mindpay rek, kuyip kond mindenimin aŋgiy, nip aŋgniŋsiyiyn. Biynimb yikop gok kuyip ma aspiyn; biynimb nip ker mindpay gok kuyip, kond mindenimin aŋgiy asipiyn. ¹⁰Biynimb yand gok key, biynimb nand gok key mer, biynimb chirapiy ak mey, yimb yip dand aranbay.

¹¹“Pen mindpan ak niniŋgayn rek, kiyk keynep mindeniŋgambay. Bapiy Gor. Nand Biyomb mindpan rek, yip aŋgenak kunep mindpiyn ak mey, chirapiy bi nokom rek ayip. Kun ak rek kuyip kond mindenimin, kiñiŋ nokom jimñiy mindeniŋgiy. ¹²Yand kiy yip nep minden, bap ma kurgip; maŋgiysek nip chingiy mindpay. Bi yiwur diyn aŋgiy niŋimb anep, Baybol buk giniŋgamb aŋgiy tikyak rek, nip ker ma mindip.

¹³“Pen mindpan ak niniŋ gispiyn rek, miñiy kiyk niŋmindyakniŋ, nip minim kun biy aŋgniŋsiyiyn. Aŋgniŋsiyiyn kun ak niŋey, yip tep gisap rek, kuyip kunep ginimuŋ aŋgiy aspiyn. ¹⁴Minim nip ak aŋgñen niŋbay rek, biynimb yikop gok, kuyip miluk niŋbay. Yand bi yikop nip gosimb ma niŋimb bap rek ma mindpiyn ak mey, kiyk kunep mindey kuyip miluk niŋbay. ¹⁵Pen kuyip dand amey, biynimb yikop gok yip ma mindeniŋgiy aŋgiy ma aspiyn; kuyip man ar biy kond mindenimin, Seytan gek timey ma giniŋgiy aŋgiy aspiyn. ¹⁶Yand bi yikop nip gosimb ma niŋimb bap rek ma mindpiyn ak mey, kiyk kunep mindpay. ¹⁷⁻¹⁸Nand biynimb yikop gok kuyip gos niŋiy yip yokenak winik rek; yand pen, biynimb yand yimb gok, biynimb yikop gok kuyip nen miñmon keykey yoksiyiyn. Kun ak kuyip gey suŋ-tep mindiy, minim yipul yimb nip ak niŋnep mindyŋg, nip marik giniŋgiy. ¹⁹Yand bi marik nand yimb mindpiyn rek, kuyip aŋgiy yiwur den, kiyk kunep biynimb marik nand yimb gok mindeniŋgiy.

²⁰Kuyip nep ma aŋgniŋsiyiyn; kiy minim aŋgey, yip kisen gosimb niŋniŋgambay gok kuyip sek nip aŋgniŋsiyiyn. ²¹Chirapiy keykey mer, bi nokom yimb mindpur rek, biynimb yip gosimb niŋbay gok, maŋgiysek jimñiy kun ak rek mindey, biynimb yikop gok niŋiy, nand nep yip yokenak winik ak niŋniŋgiy.

²²Yip gey, nand bi teprep mindpan rek mindpiyn ak; kuyip kun ak rek gen, chir jimñiy mindpur rek mindeniŋgiy. ²³Kun ak nand, yand yip nep mindpan rek, yand kiy yip nep minden mey; kiyk jimñiy mindeniŋgiy. Jimñiy mindyakniŋ, biynimb yikop gok nand nep yip yokiy, yip wasemb ay, biynimb yip gok kuyip wasemb ay gipan ak niŋniŋgiy.

²⁴“Bapiy! Yip tep gip ak; biynimb yip aŋgnak gok, yand yip nep mindiy mey; miñmon ma alwol gayruk ñin ak yip wasemb ay, biyomb yimb mindonimuŋ aŋgiy niŋaynak rek mindnikniŋ, yip niŋniŋgiy.

²⁵“Bapiy! Nand mey Bi suŋrep! Biynimb man ar biy yikop gok nip ma niŋbay; yand nip niŋbiyn. Nip niŋbiyn ak mey, biynimb yand guniy kuyip

anġnen; nand nep yip yokenak winik ak niŋbay. ²⁶Pen miñiy giniŋgayn rek niŋiy, nip Bi yerip rek ak niŋrep giniŋgambay. Kun ak kuyip gos tep ñenimin, yip wasemb aypan ak niŋrep giniŋgiy. Pen yand kiy yip minden, nand biynimb wasemb aypan rek giniŋgiy anġak.”

Jiysis Nup Chichiy Diyak

(*Mat 26:47-56; Mak 14:43-50; Luk 22:47-53*)

18 ¹⁻²Jiysis Nop nup kun giy anġniŋiy, binuk gok yip ñiŋ sikoy Kiydron par ak tikiy, pis tawakdoŋ ken amiy, mon oliyp woŋ per am nan-giyiŋipay miŋgan ak amniyak. Pen Jiwdas bi Jiysis nup mimuŋgak ak, tip kun ak niŋrep gak rek, Peresiy bi gok sek, bi Gor nup simboŋgep yomb gok sek nup anġeyak, ³am amiybi gunap, Jiwda poliys gunap poŋind, sup gunap, lam gunap baynat tap gok gunap diy, dand mindeyak kun ak amjakyak. ⁴Pen Jiysis nup tap yerip giniŋgak ak key niŋak rek, apeyak siŋak amiy anġak, “An nup piyow taspim?”

⁵Anġek anġyak, “Jiysis, bi Nasaret nimb ak anġyak.”

Anġey anġak, “Bi kun ak mey yand biy anġak.” Anġak won kun ak, Jiwdas kiy yip kun siŋak mindek. ⁶Pen Jiysis yand biy anġek, ak Gor nep anġiy, kiyk sumb sumb ken liŋ amiy, gindam pikyak.

⁷Pen kuyip tip ak anġak, “Anup piyow taspim?” Anġek anġyak, “Jiysis bi Nasaret nimb ak anġyak.” ⁸Anġey anġak, “Nimbip mindarik apiyn, ‘Bi kun ak mey yand mindpiyn biy.’ Yip piyow taŋgiy ker, bi guniy kuyip kirgem amniŋgiy anġak.” Kun anġek, binuk gok kuyip kirgiy nup nep diyak.

⁹Giyak kun ak, Jiysis nind Nop nup lotiw giy, anġak rek nep gak. Nuk anġak, “Bapiy. Bi yip anġnak gok, bap ma kurgip anġak.”

¹⁰Pen won kun ak, Saymon Piyta baynat dand owak ak lipiŋ diy, bi bap nup timund yipund kind ak, pisnep timbrik yokak. Yimb nuk Malkas. Gor nup simboŋgep biyomb yimb anup woŋ giñiyiŋgip. ¹¹Piyta kun gek, Jiysis anġak, “Baynat ak dipan okok tip liŋgey amnaŋ! Niŋ silik kap Bapiy yip ñimb ak, ma ñiŋnimuŋ anġiy niŋban?”

¹²Kun anġakniŋ, amiybi gok sek, Jiwda poliys gok sek Jiysis nup chichiy diy, tiwningrimbikiy anġyak, ¹³“Nup dand Anas korip ak nind amjun anġiy,” dand Anas mindek ak amniyak. Bi Anas kun ak, Kayapas numok nuk. Kayapas mey Gor nup simboŋgep yomb yimb ak, simiy nokom kun ak anġayeyak woŋ gi mindek. ¹⁴Nuk nep mey, nind Jiwda kanjsol gok kuyip anġak, “Bi nokom bap kumek, chin Jiwda maŋgiysek kim amemb rek ayningamb ak, tep yimb anġak.”

Piyta Jiysis Nup Ma Niŋbiyn Anġak

(*Mat 26:69-70; Mak 14:66-68; Luk 22:55-57*)

¹⁵Pen Jiysis nup kun giy dand Anas korip ak amniyakniŋ, Saymon Piyta yip, Jon yip, kisen kisen amnirik. Bi Gor nup simboŋgep yomb yimb ak, Jon

nup niŋrep gak rek nuk amiy, pisnep korip kor giyিংipay baniys miŋgan biyaŋ amnak. ¹⁶Piyta nuk mis akyan mindek. Jon pen andkind apiy, biy kinjeŋram kond mindek anup aŋgiy, Piyta nup poŋind baniys miŋgan biyaŋ amnak. ¹⁷Pen biy kinjeŋram kond mindek ak, Piyta nup aŋgak, “Nand kunep Jiysis binuk bap rek?” Aŋgek aŋgak, “Yand mer aŋgak.”

¹⁸Pen Kayapas nup wong giŋiyিংipay bi gok sek, Jiwda poliys gok sek kuyip takil gek, mon bap namb kun siŋak daŋgiy, jakiy nep maŋiy mindeyak. Piyta nup kunep takil gek, ap namb kun okok wopsakiy, kiy yip mon maŋiy mindek.

Anas Jiysis Nup Minim Aŋgniŋak

(Mat 26:59-66; Mak 14:55-64; Luk 22:66-71)

¹⁹Pen Anas, bi Gor nup simboŋgep yomb yimb nind mindyিংip ak Jiysis nup, biynimb nup yenen kisen giyak ak sek, minim yerip aŋgñiyিংip ak sek aŋgniŋak. ²⁰Kun giy aŋgniŋek aŋgak, “Yand minim gunap weygiy ma aŋgñinik; bi nimb gok niŋmindyakniŋ, nan-gep korip gok sek, Gor aŋgniŋep korip ak sek per miseŋ aŋgñimbiy. ²¹Kun ak yenen wiysniys ma dand apiy, yip minim kun ak rek aŋgniŋsipim? Biynimb yip niŋyak guniy, minim aŋgnik ak niŋbay rek ayip ak, kuyip aŋgniŋnimimb aŋgak.”

²²Jiysis kun aŋgek, Jiwda poliys bap, nup mikem kind siŋak pikiy aŋgak, “Yenen bi Gor nup simboŋgep yomb yimb anup, minim kun ak rek aspan aŋgak.”

²³Aŋgek aŋgak, “Minim yesek bap aŋgen, minim yesek apiy nup kun ak, biynimb guniy kuyip aŋgñan. Pen minim niŋind yimb ak aŋgen, yenen yip pikpan aŋgak.”

²⁴Pen Anas, bi Gor nup simboŋgep yomb yimb nindnimb ak, Jiysis nup tiwŋgrimbikyak rek mindakniŋ, aŋgek dand binak Kayapas, bi Gor nup simboŋgep yomb yimb kisenimb mindek ak, amniyak.

Piyta Tip Ak, Jiysis Nup Ma Niŋbiyŋ Aŋgak

(Mat 26:71-75; Mak 14:69-72; Luk 22:58-62)

²⁵Pen Piyta nuk kun giy nep, jakiy mon maŋiy mindakniŋ, bi gunap nup aŋgyak, “Bi kun ak, binuk bap mey nak rek?”

Aŋgey, aŋg silokiy aŋgak, “Yand mer aŋgak.” ²⁶Pen Piyta bi timund timbrikak ak, bi lek lek nuk rek bap apiy, Piyta nup aŋgak, “Yand nip niŋbiyŋ; nak bi kun ak yip wongday ak mindamban rek?”

²⁷Aŋgek, Piyta tip ak, aŋg silokiy aŋgak, “Yand mer aŋgak.” Kun aŋgakniŋ, day kakaruk suk aŋgak.

Jiysis Nup Dand Paylat Mindek Ak Amniyak

(Mat 27:1-2, 11-14; Mak 15:1-5; Luk 23:1-5)

²⁸Miñmon yowakniŋ, Jiysis nup Kayapas korip animb, dand Rom gapman biyomb Paylat korip ak amniyak. Jiwda biynimb Pasopa tap

ñiņning giyak rek, Rom biynimb korip miņgan amon, chinup asiņ wilikningamb aņgiy, mis akyañ mindeyak. ²⁹Kun giy nep mindyakniņ, Paylat mis amiy aņgak, “Bi biy nup minim yerip niņiy dand opim?”

³⁰Aņgek aņgyak, “Nuk tap timey bap ma gembikop, nup kun giy ma dand opnup aņgyak.”

³¹Aņgey, Paylat aņgak, “Nimbik dam low nimbik ar ak key aņgip rek niņiy, kor gim aņgak.”

Aņgek, Jiwda kay pen aņgyak, “Rom low ar ak, chin biynimb gok kuyip kor giy, ñaņgayon kumniņgiy aņgiy bap ma mindip aņgyak.”

³²Aņgyak kun ak, Jiysis yip kun giy ñaņgbirik ayniņgambay aņgiy, nind aņgyak rek nep gak.

³³Pen Jiwda biynimb kun aņgeyak, Paylat tip ak andkind korip miņgan biyaņ amiy, Jiysis nup aņgak, “Nak Jiwda kay kiyņ kiyk ak akaņ?”

³⁴Aņgek aņgak, “Minim yip aņgniņsipan ak; meņg miņgan nak ak key aspan akaņ, biynimb gunap meņg miņgan ak diy aspan?”

³⁵Aņgek, Paylat aņgak, “Yand Jiwda bi rek, Kiyņ yomb key yimb chin mindeniņgamb aņgiy kond mindpay ak nup kond mindenim. Pen biynimb nak gok nep, bi Gor nup simboņgep yomb nak gok nep nip dand opay. Nand kiyņ mindniņg gey, nip kun giy dand opay akaņ?”

³⁶Aņgek, Jiysis aņgak, “Yand biynimb diy kond mindeniņgayn ak; kiyņ man ar biy mindpay rek ma mindeniņgayn. Yand man ar biy kiyņ mindniņg gembiniņ, Jiwda biyomb gok yip miņ ayun aņgey, biynimb yand gok tikjakiy, kiy yip penpen ñapyap. Pen yand biynimb diy kond mindeniņgayn miņ ak key mindip; mankumb biy kiyņ mindpay rek mer aņgak.”

³⁷Kun aņgek, Paylat aņgak, “Kun ak nand kiyņ bap?”

Aņgek, Jiysis aņgak, “Mey nak apan ak. Ar kun anep mey, Bapiy Gor gek, yip mankumb biy tikayey, yomb giy, minim yipul yimb ak aņgñimbiyn. Biynimb minim niņind yimb ak dinjun aņgiy niņbay gok, minim yip ak dipay aņgak.”

³⁸Kun aņgek, Paylat aņgak, “Pen minim okok nimb okok nimb keykey kuņaynep mindip ak, yergiy minim yipul yimb mey ak aņgiy niņjun aņgak.”

Paylat Jiysis Nup Ñaņgnimimb Aņgak
(*Mat 27:15-31; Mak 15:6-20; Luk 23:13-25*)

Paylat minim kun ak aņgiy, tip andkind mis amiy, Jiwda kay kuyip aņgak, “Nuk tap timey bap gamb ma niņbiyn. ³⁹Pen chin Rom gapman, simiy ak simiy ak, Pasopa ñin ak apamb, kalambis bi nimb bap yikop wisik yokpun. Kun ak, Jiwda kay kiyņ nimbip ak, yikop wisik yoken amniமு aņaņ?” ⁴⁰Aņgek, kiyk meņg miņgan dand araniy aņgyak, “Nup mer! Chinup Barabas nup wisik yoknimin aņgyak.” Bi Barabas kun ak, bi tap siydep gapman kay yip penpen giyiņgip.

Paylat Amiybi Nuk

19 ¹Kun anğeyak, Paylat amiybi nuk gok anğek, Barabas nup wisik yokiy, Jiysis nup miñ diy tapin nep pikyak. ²Kun giy pikiy, tap ñiwñiw sek gunap diy, kiyñ aypay rek ar band bap giy, jun ar nup biyoñ ayñiy, chech muk parsek bap ayñiyiñğ anğyak, ³“Jiwda kiyñ kiyk ak, pernep mindonimuj anğyak.” Kun anğyiñğ, nup mikem piksil giyak.

⁴Pen Paylat tip ak mis amiy, Jiwda biynimb kuyip anğak, “Nup dand mis biy apiy, minim gunap anğniñen, anğek niñniñgambim. Nuk tap timey gip junj bap ma piyow niñbiyn anğak.” ⁵Pen Jiysis nup ar band ñiwñiw sek ak ayñiy, chech muk parsek ak ayñey mis owakniñ, Paylat kuyip anğak, “Nup niñim anğak.”

⁶Kun anğek, bi Gor nup simbonğep yomb gok sek, Jiwda poliys gok sek Jiysis nup niñiy anğyak, “Nup mon kiros bak biyoñ ñanğbirik aynimimb! Mon kiros bak biyoñ ñanğbirik aynimimb anğyak.” Kun anğeyak, Paylat anğak, “Nimbik key dand amiy, kun ginimimb. Yand tap timey gip junj bap ma piyow niñbiyn anğak.”

⁷Anğek, Jiwda kay anğyak, “Gor Ñinuk mindpiyn anğip ak, low chin ar ak kumnimuj nokom anğyak.”

⁸Kun anğeyak niñiy, Paylat tapin nep pirikiy, ⁹tip ak korip miñgan biyañ amiy, Jiysis nup anğniñiy anğak, “Nand miñmon akay nimb?” Anğek, minim bap pen ma yimb anğek, ¹⁰Paylat anğak, “Yip minim ma anğniñgamban? Nand niñban: yand nep nip kond mindpiyn. Wisik yokniñğ wisik yokniñğayn; pen mon kiros bak biyoñ ñanğbirikim anğen, ñanğbirik ayniñğambay anğak.”

¹¹Anğek, Jiysis anğak, “Pen yip kond mindpan ak nand key mer; Gor nep anğek kond mindpan. Kun ak yip timey gispim miker ak, nand nep ma diniñgamban; bi yip dand opay gok, miker yomb yimb ak diniñğambay anğak.”

¹²Jiysis kun anğek, Paylat nup yikop angyokiyn angyi gos niñak ak pen, Jiwda kay meñğ miñgan dand araniy anğyak, “Jiysis nup wisik yokniñgamban ak, biyomb yimb Siysa buñgiy nuk ma mindeniñgamban. Bi kiyñ mindpun apay gok, Siysa yip penpen ñanğun angyi niñbay anğyak.”

¹³Kun anğeyak, Paylat am Jiysis nup poñind mis apiy, am bi minim tunğasikep siya ar ar siñbiyoñ giyak ar ak bisgak. Tip ar bisgak kun ak, “Kamb Simen” anğyiñğipay.

¹⁴Pen ñin kun ak, Jiwda biynimb Pasopa tap kiyk nan-gep ñin ak. Pumbnamb yomb biyoñ won ak, Paylat kuyip anğak, “Kiyñ nimbik ak anğak!” ¹⁵Anğek, meñğ miñgan dand araniy anğyak, “Ñanğ ayan!” “Mon kiros bak biyoñ ñanğbirik ayan anğyak.”

Anğey, Paylat anğak, “Kiyñ yomb nimbik ak, mon kiros bak biyoñ ñanğbirik aynim?”

Aṅgek, bi Gor nup simbonḡep yomb gok aṅgyak, “Kiyṅ chin bap ma mindip; Rom biyomb yimb Siysa nep mindip aṅgyak.”

¹⁶Pen kun giy aṅg dand amiy, Paylat minim kuyip ak diy, amiybi gok kuyip aṅgak, “Jiysis nup dam mon kiros bak biyoṅ ṅaṅgbiriknimimb aṅgak.”

Jiysis Nup Mon Kiros Bak ṅaṅgbirikyak
(*Mat 27:32-44; Mak 15:21-32; Luk 23:26-43*)

¹⁷⁻¹⁸Pen Jiysis nup kiros ak ṅey, dand Chip junwon apay dum ak amek, nup namb biyaṅ ṅaṅgbirikiy; bi omiṅal, bap pis bap pis ṅaṅgbirikyak.

¹⁹Pen Paylat aṅgek, Jiysis nup ṅaṅgbirik ayak kiros bak biyoṅ, yimb tikay aṅgyak, “Jiysis bi Nasaret nimb ak, Jiwdā kay kiyṅ yomb kiyk ak aṅgyak.” ²⁰Minim ar nokom kun anep, Griyk minim tikiy, Hiybriw minim tikiy, Latin minim tikiy geyak mey, dawin yomb ak maṅ kun siṅak mindek rek, biynimb kuṅaynep niṅyak. ²¹Pen Gor nup simbonḡep biyomb gok, am Paylat nup aṅgyak, “Minim tikpan ak timey. Jiwdā kay Kiyṅ yomb key yimb kiyk ak aṅgiy ma mindonimuṅ; yikop aṅgnimin, ‘Nuk aṅgip, yand Jiwdā kay kiyṅ yomb kiyk ak aṅgip aṅgiy tiknimin aṅgyak.’” ²²Kun aṅgeyak, Paylat aṅgak, “Minim yerip yerip aṅgiy tikniṅgayn ak, kun giy nep mindeniṅgamb aṅgak.”

²³Pen Jiysis nup mon kiros bak biyoṅ ṅaṅgrimbik ay, amiybi omiṅal omiṅal Jiysis chech nup gok pikasik keykey diy, chech parsek giy ma ṅaṅg diyak ak, kunep pikasik diniṅ aṅgyak, ²⁴“Ma tuṅgralikjun! Yikop sandiw rek giy, bi an wiyṅ giniṅgamb ak, nuk dinimuṅ aṅgiy,” sandiw rek giy diyak.” Giyak kun ak, Gor giniṅgambay rek niṅiy gos ṅek, Baybol buk tiyak ar ak nep giyak. Minim kun ak tikiy aṅgyak, “Chech yip ak bilok keykey diy, chech parsek yip ak dun aṅgiy, sandiw rek giy dinjun aṅniṅgambay aṅgyak.”

²⁵Pen ṅin kun ak, Jiysis nonim ak, numkan ak, Mariya binak Kiliyowpas biynuk ak, Mariya Makdala nimb ak ap, Jiysis nup ṅaṅgbirikyak gol siṅak mindeyak. ²⁶Binuk Jiysis wasemb yimb ayiṅgip ak, kunep ap maṅ kun siṅak mindek ak mey, nonim Mariya nup aṅgak, “ṅinak mey ak aṅgak.” ²⁷Kun aṅgiy, bi kun ak nup aṅgak, “Nanim nak mey ak aṅgak.” Kun aṅgakniṅ, ṅin kun ak, Jiysis nonim nup poṅind korip amiy, yip mindyiṅgiyir.

Jiysis Kumak
(*Mat 27:45-56; Mak 15:33-41; Luk 23:44-49*)

²⁸Jiysis niṅak; woṅg ar nuk ak maṅgiysek gindak ak mey, Baybol minim tiyak ak niṅind aynimuṅ aṅgiy aṅgak, “Yip kuṅam kinjik gip aṅgak.” ²⁹Pen wayn silik botol bap dap kun siṅak ayey mindek ak mey, amiybi bap, tap sayn band bap diy, wayn silik kun ak tawek amek, di

mon alik day ak kambis ñangiy, dand araniy, Jiysis joñimb ar nup ak ayak. ³⁰Ayek, wayn silik kun ak ñimbiy angak, “Mey tep angak.” Pen day jiwip angiy, jiy kuyangiy angak, “Bapiy. Kawnan yip ak dan angiy,” kumak.

Jiysis Tinglim Pis Nup Ak Piñiyak

³¹Pen Jiwda kay, Praydey dungep won ak niñiy, toy lotiw ñin chin ak, chip gok kiros bak biyoñ ma mindonimuñ angiy, am Paylat nup angyak, “Bi mon kiros bak biyoñ ñangbirik aypay gok, tomb kuyip gok pikpañgey kasek kumey, di man biyañ ayningiy angyak.” ³²Angeyak, Paylat amiybi gok kuyip anggek, am bi Jiysis yip ñangbirik ayak omiñal ak, tomb pikpañgey kumrik. ³³Pen Jiysis nup tomb ak pikpañgun angiy amiy niñyak: nuk kumek tomb nup ak ma pikpañgyak. ³⁴Amiybi bap, kusay ak diy, Jiysis nup tinglim anjiñ siñak piñiyek, likañ sek, ñingsek yowak. ³⁵⁻³⁷Pen gak kun ak, Baybol buk ak angiy tikyak rek nep gak. Tikiy angyak, “Tijiy nup ak, bap ma pikpañgningambay angyak.” Pen minim bap angyak, “Bi piñiyak anup niñningambay angyak.” Kun ak nup gosimb niñbiyn rek, nimb kunep niñnimimb angiy, Jiysis nup gak kun ak windin yand key niñiy, nimbip minim niñind yimb ak aspiyn.

Jiysis Nup Komyak

(*Mat 27:57-61; Mak 15:42-47; Luk 23:50-56*)

³⁸Pen bi miñmon Armatiya nimb bap, Jiysis nup gosimb niñyñgip ak pen, Jiwda biyomb gunap kuyip niñiy pirikiy, miseñ ma angyñgip. Bi kun ak yimb nuk Josep. Nuk Jiysis nup dam komiyn angiy, am Paylat nup angniñek, yaw angakniñ, diniñ amnak. ³⁹Amek, Niykodiymas bi nind am Jiysis nup kisyimken niñak ak; tap kuyrep wak ak, kuñaynep tawiy, dand Josep yip amnirik. Tap kuyrep wak kun ak mon “alos” apay mik ak sek, mon “mer” apay mik ak sek diy giyak. ⁴⁰Pen kiyk omiñal am Jiysis nup komning, Jiwda biynimb giyñgipay rek, mon mik dand amnirik gok mumbwak nup okok wiykiy, chech tund sikoy par ak diy, kom kom gayrik. ⁴¹Jiysis nup ñangrimbik ayak mañ kun siñak woñgday bap mindek. Pen woñgday namb kun ak, chip kaw kisen nep bap kiluk ay chip ma komyak ak mey, Jiysis nup dam miñgan kun ak komyak. ⁴²Pen Jiwda lotiw ñin ak mañ mañ gak rek, kasek komjun angiy, kamb miñgan yep mañ kun ak komyak.

Chip Par Ak Kamb Miñgan Ak Ma Mindek

(*Mat 28:1-8; Mak 16:1-8; Luk 24:1-12*)

20 ¹Sandey ñin ak miñmon tikniñg gakniñ, Mariya miñmon Makdala nimb ak, chip komyak kawrumb bineñ amiy niñak; kamb yomb chip kawrumb pilgiyak ak, gol okok mindek. ²Nuk niñiy, tip

ak pungrikind angyi Saymon Piya yip, Jon yip minderik ak apiy angak, “Biyomb anup dand kapkap ambay; pen daypay okok ma niñbiyn angak.”

³Kun angek, Piya yip, Jon yip niñning, ⁴pungrikind yimb angyi sanjirik. Piya nuk sisayn gakniñ, Jon nind amjakiy, ⁵mis akyañ nep mindiy, ñik giy kamb miñgan bineñ niñnak: chech band gok nep mindek. ⁶Saymon Piya nuk kisen apiy, sikind miñgan bineñ amiy niñak: ⁷Jiysis nup chech pipkomyak gok ma wisik gak; kom kom giyak rek nep mindek. Pen chech jun neñ pañg kus kus giyak ak kunep ma wisikak; pañg kus kus giyak rek, pis amiy mindek. ⁸Jon pen kunep kamb miñgan sikind amiy niñnak: chech gok pipkomyak rek mindek mey, Jiysis tikjakip angyi niñak. ⁹Pen ñin kun ak, Baybol buk tikiy, Jiwda Kiyñ yomb key yimb ak tip tikjakningamb angyak minim ak niñrep ma girik. ¹⁰Pen kiymiñay Jiysis nup komyak ak niñiy, tip andkind korip amnirik.

Mariya Miñmon Makdala Nimb Ak Jiysis Misenj Gek Niñak

(Mat 28:9-10; Mak 16:9-11)

¹¹Mariya pen chip komyak kawrumb kun ak siy anğ mindying, miñgan bineñ niñak: ¹²enjol chech tund ayrik omiñal ak, bap jun day bineñ, bap tomb day biym minderik. ¹³Enjol omiñal kun ak, Mariya nup anğrik, “Yenen siy aspan anğrik.”

Anğer angak, “Biyomb yand anup dand amiy, akay daypay ak ma niñbiyn angak.” ¹⁴Kun angyi tunğandikiy niñak: bi bap ap mindek. Pen Jiysis nep angyi ma niñak.

¹⁵Jiysis pen Mariya nup angak, “Yenen siy aspan? Anup piyowsipan?”

Angek, Mariya angak-eñ, bi wongday nop nimb anep yip asap angyi angak, “Chip ak dand ambiyn angyi ker, akay daypan ak yip angenimin, dand amnim angak.”

¹⁶Angek angak, “Mariya!”

Angek, Mariya pen tunğandikiy Hiybriw minim angyi, “Rabonay!” angak.

¹⁷Angek angak, “Bapiy ker biyoñ andkind ma ambiyn rek, yip ma diniñ mindenimin. Pen am mam sikop kuyip angnimin: Jiysis anğip, ‘Bapiy Gor mindip biyoñ tip andkind amjiypiyn. Pen nuk miñiy Bapiy yand nep ma mindip, Bapiy chin mindip angnimin angak.’ ”

¹⁸Jiysis kun angek, Mariya Makdala am Jiysis binuk gok kuyip angak, “Biyomb anup niñiy aswiyn angak.” Kun angyi, Jiysis minim angak gok kuyip anğñak.

Jiysis Misenj Gek Binuk Gok Niñyak

(Mak 16:14-18; Luk 24:36-49)

¹⁹Pen Sandey ñin ak, pumb sanjind amnakniñ, binuk gok Jiwda biyomb gok kuyip pirikiy, korip miñgan amiy, kinjenñ ak lok giy kapkap

mindyakniņ, Jiysis ap namb kun ak miseņ giy aņgak, “Gor nimbip kond mindenį aņgak.” ²⁰Kun aņgiy ñin wur gok sek, tiņglim pis piņyak ak sek yomiy gek, kiyk niņiy, ak Jiysis nep aņgiy kuyip tep yimb gak.

²¹Nuk pen kuyip tip ak aņgak, “Gor nimbip kond mindenį. Bapiy yip aņgyokek apiy woņg nup giypiņ rek, nimbip kunep aņgyoksiypiņ. Nimb Bapiy woņg chirupapiy ak gem amniņunį aņgak.” ²²Kun aņgiy, aņiņ band nuk ak kuyip puņg yokyiņg aņgak, “Gor Kawnan ak dinimimb. ²³Diy, biynimb tap siy tap timey gipay gok, niņiy kirginiņg kirginiņgambim. Pen niņiy ma kirginiņgambim ak, gach sek mindpay rek mindeniņgambay aņgak.”

Jiysis Miseņ Gek Tomas Niņak

²⁴Pen Jiysis ap miseņ giy kuyip minim aņgak ñin kun ak, binuk Tomas, kiy yip ma mindek ak mey, kisen nup niņiy, ²⁵Biyomb chin ak nup niņbun aņgeyak, aņgak, “Kun aspim ak pen; nup ñapay miņgan gok sek, tiņglim pis nup piņiypay ak sek diniņiy nep, minim kun ak diy, tikjakip aņgiy niņniņgayn aņgak.”

²⁶Kun aņgiy, pen wiyk nokom bap mindiy, Jiysis binuk gok Tomas yip tip ak, korip miņgan ak kinjeņ lok giy mindeyak. Mindyakniņ, Jiysis ap namb kun ak miseņ giy aņgak, “Gor nimbip kond mindenį aņgak.” ²⁷Kun aņgiy, Tomas nup aņgak, “Ñin maņgiy nand ak, yip ñaņgyak miņgan gok sek, tiņglim pis piņyak ak sek ñin ayniņan! Gos par ma ay, Gor Ñinuk aņgiy yip gosimb niņnimin aņgak.”

²⁸Aņgek, Tomas aņgak, “Biyomb. Nand mey, Gor yand aņgak.”

²⁹Aņgek, Jiysis aņgak, “Miseņ niņiy mey, yip gosimb niņban ak pen; biynimb yip miseņ ma niņiy, yip gosimb niņiy chiņgningambay gok, tep yimb giniņgambay aņgak.”

Jon Minim Biy Yenen Tikak

³⁰Pen buk tikpiyņ biy, chin Jiysis binuk gok niņmindnukniņ, tap yomb keykey kuņaynep giyiņgip rek, maņgiysek ma tikpiyņ. ³¹Pen minim tikpiyņ biy, Jiysis nup Gor Ñinuk yimb, Kiyņ yomb key yimb per kond mindyiņgipun ak nep aņgiy, nup gosimb niņem mey; nimbip dek, nuk yip kim mindeniņgambim aņgiy tikpiyņ.

Jiysis Miseņ Gek Binuk Onep Ar Ak Nup Niņyak

21 ¹⁻²Pen kisen ñin bap, Saymon Piyta ak, Tomas Pireņgiy ak, Nataniyel miņmon Keyna Galiyliy propens nimb ak, Jon ak, numam Jemis ak, Jiysis minim nup dirik bi omiņal bap yip, jimņiy am ñiņg chemb yomb Taybiyriyas mindiy, Jiysis miseņ gek niņyak.

³Pen ñin kun ak Saymon Piyta aņgak, “Yand piys nen amjiypiņ aņgak.” Aņgek, binuk gunap chin yip amniņgambun aņgiy, am nuk yip bot diy, girangeyrangey miņmon yowak ak pen; piys gunap ma nep diyak.

⁴Pen pumb limgakniņ, Jiysis ap ñiņg chemb gol siņak mindek, nup niņyak ak pen; ak Jiysis nep anġiy ma niņyak. ⁵Nuk anġak, “Bunġiy sikop. Nimb piys nen giranġ mer niņbim?” Anġek, “Yaw anġyak.” ⁶Kun anġey anġak, “Wimben ak di bot yipund pis okok ken yokiy mey, piys gunap diniņgambim anġak.” Anġek, wimben ak di ñiņg namb biyaņ yokiy, piys kuņay yimb nep diy, lipiņgey winimuņ rek ma ayak. ⁷Kun gek, Jon Piyta nup anġak, “Bi kun ak Biyomb chin ak nep anġak.” Kun anġek niņiy, Piyta chech yomb nuk ayak ak tunġasik ay, pindeng ñiņg namb biyaņ ayak. ⁸Gunap pen bot ar ak mindiy, wimben piys sek aranġakiy mindek ak, lipiņg dand ñiņg gol okok wiyak.

⁹Apiy niņyak: mon yin binj amnak ar ak, piys gunap yin mindek. Pen biret gunap kunep mindek. ¹⁰Jiysis anġak, “Piys miņiy dipim gok, gunap dowim anġak.” ¹¹Anġek, Saymon Piyta bot ar ak amiy, nuk yip wimben piys kuņaynep mindek kun ak, lipiņg dand wiyak. Wimben ak miker gak ak pen, ma puņgrikak.

¹²Jiysis anġak, “Apiy, tap ñiņim anġek,” kiyk pen nand bi an ap mindpan anġiy nup ma anġniņyak. Ak Biyomb chin anep anġiy, kirġiyak. ¹³Nuk biret ak bilok ñiy, piys ak bilok ñiy gek ñiņyak.

¹⁴Pen Jiysis kumiy tikġakiy, miseņ gek binuk gok nup minek omiņal nokom niņyak. Minek omiņal korip miņġan ak niņyak; minek bap ñiņg gol ak niņyak.

Jiysis Piyta Nup Minim Anġak

¹⁵Pen kun giy tap ñimbiy, Jiysis Saymon Piyta nup anġak, “Saymon, Jon ñinuk. Nand bi guniy rek mer; nand yip gosimb niņiy ma nep kirpan?” Anġek anġak, “Yaw! Biyomb. Nip gosimb niņbiyn ak, nand niņban anġak.” Kun anġek anġak, “Siypsiyp ñiluk yip gok kond mindenimin anġak.”

¹⁶Kun anġiy, tip ak anġak, “Saymon Jon ñinuk. Yip gos niņban akanġ?” Anġek anġak, “Yaw! Biyomb. Nip gosimb niņbiyn ak nand niņban anġak.” Kun anġek anġak, “Siypsiyp yip gok kond mindenimin anġak.”

¹⁷Jiysis tip ak, Saymon Jon ñinuk; yip gosimb niņban akanġ anġek mey, omiņal nokom amnak.

Pen kun giy yinj omiņal nokom anġniņek, Piyta gos miker ayiņġ anġak, “Biyomb. Nak tap okok maņġiysek niņban. Kun ak, nip gosimb niņbiyn ak, nand key niņban anġak.”

Anġek anġak, “Kun ak siypsiyp yip gok kond mindenimin! ¹⁸Nip niņind yimb aspiyn: miņiy gos nand key niņban rek gipan. Pen kisen kun ma giniņgamban; ñin ak pandkaw ñanġiy mindnakniņ, nip miñ tiwniņġiy, ma amniņg giniņgamban okok dand amniņgambay anġak.” ¹⁹Jiysis minim anġak kun ak, Piyta tokiy ayek, biynimb gunap nup ñanġ ayniņġ gey, nuk anġniņgamb, “Yand Krays ker mindpiyn rek, yip monmon

ñanġnimimb aṅgek,” nup ñanġningambay rek aṅgak. Pen Jiysis Piyta nup aṅgak, “Yip chingiy nep mindenimin aṅgak.”

²⁰Minim kun ak aṅgakniġ, Piyta tuṅgandikiy niġak: Jiysis wasemb yimb ayiṅgip bi ak ap mindek. Bi kun ak mey, nind Jiysis mindek kiñiġ siġak biṅg mindiy aṅgak, “An nip mimuṅ giniṅgamb aṅgak ak.”

²¹Piyta bi kun ak nup niġiy, Jiysis nup aṅgak, “Yip kisen kun giniṅgamb apan ak pen, bi biy nup yerginiṅgamb?”

²²Aṅgek aṅgak, “Ak gos yand. Nup gen mindnep mindakniġ, andkind winiṅgayn ak, minim nak mer. Pen nand yip chingiy nep mindenimin aṅgak.”

²³Jiysis minim kun ak rek aṅgek, biynimb nuk gok minim bap aṅgyiṅgipay, “Binuk kun ak ma kumniṅgamb aṅgyiṅgipay.” Pen Jiysis binuk kun ak ma kumniṅgamb aṅgiy ma aṅgak; yikop aṅgak, “Yand aṅgen, nuk mindnep mindakniġ winiṅgayn ak, minim nak mer aṅgak.”

²⁴Pen binuk aṅgak kun ak, yip nep aṅgak.

Yand mey binuk, yerer gak gok windin niġiy minim kun ak tiksiyiyn. Chin maṅgiysek niġbun; minim tiksiyiyn kun ak, minim niġind yimb anep tiksiyiyn. ²⁵Jiysis tap ar keykey kuṅaynep gak ak pen, minim kun ak, yep gunap nep tiksiyiyn. Pen minim kun gok maṅgiysek tik buk biyaṅ ayombinup, mankumb biy sikoy gek, dayep tip ak ma mindombikop.